



集千家註杜工部詩集卷之十八

自灤西荆扉且移居東屯茅屋四首

全蜀明大曆二年夔州作鶴曰是年秋公自

對岷吳灤西又移居東屯又按史九月吐蕃

入寇京師戒嚴

師戒嚴

白鹽危嶠北赤甲古城東平地一川穩高山

四面同煙霜淒野日秔稻熟天風人事傷蓬

轉吾將守桂叢

洙曰淮南王招隱士賦

東屯復灤西一種住青溪來往兼茅屋淹留

為稻畦市喧宜近利

公自註西居近市易巽為近利市三倍左氏傳

晏子對林僻此無蹊若訪衰翁語須令賸客

迷

賸必勝也字誤。夢弼曰賸實証切陸機詩遊賞愧賸客

道北馮都使高齋見無川子能渠細石吾亦

沼清泉枕帶還相似柴荆即有焉

此焉字不知是他無

後押是他斫畬應費日解纜不知年

夢符曰畬音賒

燒榛種田也劉夢得竹枝歌云長刀短笠去燒畬

牢落西江外參差北戶間又遊巴子國卧病

楚人山幽獨移佳境清深隔遠關寒空見鴛

鷺迴首想朝班

簡吳郎司法

鶴曰公時移居東屯以灤西草堂借吳司忠居

大愚氣盈中

有客乘舸自忠州遣騎安置灤西頭古堂本

買藉踈豁借汝遷居停宴遊雲石熒熒高葉

曉風江颯颯亂帆秋却為姻婭過逢地許坐

曾軒數散愁

又呈吳郎

堂前撲棗任西鄰無食無兒一婦人不為困
窮寧有此祗緣恐懼轉須親即防遠客雖多
事使插疎籬却甚真已訴徵求貧到骨正思
戎馬淚盈巾

此兩簡語甚媿箋解詩皆若此實誤後人

題栢大兄弟山居屋壁二首

鶴曰當是栢貞

節之子姪

叔父朱門貴郎君玉樹高山居精典籍文雅

涉風騷江漢終吾老雲林得爾曹哀絃繞白

雪未與俗人操

希曰古稱貴人之子及嘗事其父者曰郎君尹曰禮記絲

聲哀(夢符曰)宋玉對楚襄王曰客有歌郢中者為陽春白雪屬而和者數十人而已

野屋流寒水山籬帶白雲靜應連虎穴喧已

去人羣筆架霑窓雨書籤映隙墀蕭蕭千里

馬箇箇五花文

喻其兄弟

潭山人隱居

南極老人自有星北山移文誰勒銘徵君已

去獨松菊衰壑無光留石庭予見亂離不得

已子知出處必須經高車駟馬帶傾覆此隱居似

在大路悵望秋天虛翠屏洙曰齊周顯隱鐘

欲過北山孔稚珪假山神作文以却之曰比

山移文夢弼曰漢魏以來隱士名之曰徵君

栢學士茅屋白雲清氣爽衣冠日

碧山學士焚銀魚白馬却走身岩居古人已

用三冬足年少今開萬卷餘晴雲滿戶團傾

蓋秋水浮階溜決渠富貴必從勤苦得男兒

須讀五車書洙曰東方朔傳三冬文史足用

語莊子惠施多東顧兼雲下

方其書五車東屯月夜

抱疾漂萍老防邊舊穀屯春農親異俗歲月

在衡門青女霜楓重黃牛峽水喧泥留虎鬪

跡月挂客愁村喬木澄稀影輕雲倚細根數

驚聞雀噪暫睡想猿蹲日轉東方白風來北

斗昏天寒不成寐無夢寄歸魂

東屯北嶮

夢弼曰嶮衣檢切與嶮同

盜賊浮生因誅求異俗貧空村唯見鳥落日

未逢人

上句只是此意愈覺蕭索

步壑風吹面看松露滴

身遠山回白首戰地有黃塵

夜二首

白夜月休弦燈花半委眠號山無定鹿落樹

有驚蟬暫憶江東鱸兼懷雪下船蠻歌犯星

夜重覺在天邊

城郭悲笳暮村墟過翼稀甲兵年數久賦歛

夜深歸

此歲晏輸非稅江村人夜歸不惟少省情事不同

暗樹依巖

落明河繞塞微斗斜人更望月細鵲休飛

茅堂檢校收稻二首

香稻三秋末平田百頃間喜無多屋宇幸不

礙雲山御袂侵寒氣嘗新破旅顏紅鮮終日

有玉粒未吾慳

鄭曰袂古洽切複衣也

稻米炊能白秋葵煮復新誰云滑易飽老藉

軟俱勻種幸房州熟苗同伊闕春無勞映渠

益自有色如銀鄭曰唐志房州與夔同屬山南道伊闕河南府縣名黃曰

魏文帝有車渠益賦又梁陸倕蠡孟銘曰珍逾渠益

秋野五首

秋野日疏蕪寒江動碧虛繫舟蠻井絡卜宅

楚村墟棗熟從人打葵荒欲自鋤盤飧老夫

食分減及溪魚小事誰不能道能道者少○

精上為井絡注岷山為東井是絡之維

易識浮生理難教一物違水深魚極樂林茂

鳥知歸吾老甘貧病榮華有是非秋風吹几

杖不厭北山薇

禮樂攻吾短謙厚典山林引興長掉頭紗帽

側曝背竹書光有典有則風落收松子天寒

割蜜房幽事楚楚儉稀踈小紅翠駐屐近微香

清遠閑麗少見首尾如此可

遠岸秋沙白連山晚照紅潛鱗輸駭浪歸翼

會高風輸不砧響家家發樵聲箇箇同飛霜

任青女賜被隔南宮洙曰後漢樂出直南宮家貧無被帝聞而嘉之

詔大官賜尚書郎已下食并給帷被

身許麒麟畫重年衰鴛鴦羣大江秋易盛空

峽夜多聞索意非不小苦而氣逕隱千重石

帆留一片雲兒童解蠻語不必作參軍洙曰

隆為南蠻參軍上巳日作詩曰媿偶濯清池桓温問何物荅曰名魚為媿偶温曰何為作

蠻語隆曰千里投公始得蠻府那得不蠻語也

傷秋留天寒

林僻來人少山長去鳥微高秋收畫扇久客

掩柴扉懶慢頭時櫛艱難帶減圍將軍思汗

馬天子尚戎衣白蔣風颼脆音殷音櫛音曉夜稀何

年減豺虎似有故園歸洙曰白蔣荻草也殷

閑切赤黑色櫛音丑成切

雨日

山雨不作泥江雲薄為霧晴飛半嶺鶴風亂

糖粘糖和作
名名粗糖也

平沙樹明滅洲景微隱見巖姿露拘悶出門
遊曠絕經日趣消中日伏枕卧久塵及屨豈
無平肩輿莫辨望鄉路兵戈浩未息蛇虺反
相顧悠悠邊月破鬱鬱流年度針灸阻朋曹
糠粘對童孺一命須屈色新知漸成故窮荒
益自卑飄泊欲誰訴疋羸愁應接俄頃恐違
迕浮俗何萬端幽人有高步龐公竟獨往尚
子終罕遇宿留洞庭秋天寒瀟湘素杖策可

入舟送此齒髮暮夢弼曰消中謂渴疾也糠
命小官也洙曰後漢龐德公尚子平俱見逸
民傳趙曰宿留音秀溜出漢書謂有所須待
也

秋清

高秋蘇肺氣白髮自能梳藥餌憎加減門庭
悶掃除杖藜還客拜愛竹遣兒書十月江平
穩輕舟進所如

瞿唐兩崖

務五百歲為一
老則有髮髯

三峽傳何處雙崖壯此門入天猶石色穿水

忽雲根雲根自佳用得縹緲如畫猱獬鬣鬚髯古蛟龍窟宅

尊羲和冬馭近愁畏日車翻謂時事。夢弼曰猱乃高切獬

厥縛切爾雅猱善援獬善顧趙曰淮南子注日乘車駕以六龍羲和為馭

。暝

日下四山陰山庭嵐氣侵牛羊歸徑險鳥雀

聚枝深正枕當星劍收書動玉琴半扉開燭

影欲掩見清砧珠曰星劍劍上有星文也玉琴以玉為琴徽也

萬里晴雲食更步

龍以瞿唐會江依白帝深終年常起峽每夜

必通林收穫辭霜渚分明在夕岑高齋非一

處秀氣豁煩襟

白雲。晨雨

小雨晨光內初來葉上聞霧交纒灑地風折

旋隨雲暫起柴荆色輕霑鳥獸羣麝香山一

半亭午未全分夢弼曰夔州圖經麝香山在州東南一百二十里山出麝

忽

香故以
為名

天池鶴曰天池
在夔州

天池馬不到嵐壁鳥纔通百頃青雲杪曾波
白石中鬱紆騰秀氣蕭瑟浸寒空直對巫山
峽兼疑夏禹功魚龍開闢有菱茨古今同聞
道奔雷黑初看浴日紅飄零神女雨斷續楚
王風欲問支機石如臨獻寶宮九秋驚鴈序
萬里狎漁翁更是無人處誅茅任薄躬洙曰
荆楚

歲時記載張騫乘槎至天河得織女搗機石
穆天子傳天子西征至陽紆山河伯馮夷之
所居天子沉璧禮焉何伯乃與
天子披圖視典以觀天下寶器

即事

天畔羣山孤草亭江中風浪雨冥冥一雙白
魚不受釣三寸黃甘猶自青多病馬卿無日
起窮途阮籍幾時醒未聞細柳散金甲腸斷
秦州流濁涇洙曰漢書文帝時匈奴大入邊
周亞夫為將軍軍細柳注細柳
在長安昆
明池南

獨坐二首

竟日雨冥冥雙崖洗更青水花寒落岸山鳥

暮過庭煖老須燕玉充饑憶楚萍避俗胡笳在

樓上哀怨不堪聽希曰雙崖謂瞿唐兩崖也趙曰古詩云燕趙多佳人

美者顏如玉待燕玉而煖則孟子所謂七十非人不暖也楚萍注見前卷

白狗斜臨北黃牛更在東峽雲常照夜江日

會兼風曬藥安垂老五字有味應門試小童閑趣有商

畧亦知行不逮苦恨耳多聾洙曰白狗黃牛並峽名

白盤石雨四首林外畫圖十羊燭童

微雨不滑道斷雲踈復行紫崖奔處黑白鳥

去邊明輕清道盡秋日新霑影寒江舊落聲柴扉

臨野確半濕搗香秔入目

江雨舊無時天晴忽散絲暮秋霑物冷今日

過雲遲上馬迴休出看鷗坐不辭高軒當灩

灩潤色靜書幃入目

物色歲將晏天隅人未歸朔風鳴淅淅寒雨

下霏霏多病又加飯衰容新授衣時危覺凋
喪故舊短書稀

楚雨石苔滋京華消息遲山寒青兕叫江晚
白鷗飢神女花鈿落鮫人織杼悲繁憂不自
整終日灑如絲精意○洙曰神女鮫人注見前

反照開巫峽寒空半有無已低魚復暗不盡
白鹽孤荻岸如秋水松門似畫圖牛羊識童

僕既夕應傳呼

希曰魚復浦白鹽山也洙曰松門亦地名

向夕

畎畝孤城外江村亂水中深山催短景喬木
易高風境意圓靜鶴下雲汀近雞栖草屋同琴書
散明燭長夜始堪終不獲交親笑日親白帝

○大曆二年九月三十日

為客無時了悲秋向夕終瘴餘夔子國霜薄
楚王宮草敵虛嵐翠花禁冷蔡紅年年小搖

山高則日景
易沒折長則
天風易振維
易二字家語

落不與故園同

為客無十月悲日

大曆二年冬夔州鶴曰按是年秋吐蕃入寇京師戒

嚴

有瘴非全歇為冬亦不難夜郎溪日暖白帝

峽風寒蒸裹如千室蔗糖幸一棹茲辰南國

重舊俗自相歡

殊曰夜郎西南夷也犍為有夜郎溪蒸裹蔗糖夔俗之節

物也料與盤同

戲作俳諧體遣悶二首

鳥鬼今之水能捕魚

異俗吁可怪斯人難並居家家養烏鬼

養字去聲

最怪決無用養字代供字之理且

頓頓食黃

魚舊識難為態新知已暗踈

新知漸熟漸厭未能遽舍其形

容世態深得心髓識

治生且耕鑿只有不關

渠

謂此為鳥鬼以繩繫其頸使之捕魚得

魚則倒提出之若溪胡仔曰余觀諸公詩話

蠻鬼其曰鷓鴣者見沈存中筆談其曰鷓鴣

見漫叟詩話云川人每呼豬則作烏鬼聲故

引元微之江陵詩云病賽烏稱鬼巫占瓦代

龜則養字讀為供養之養其曰烏蠻鬼者見
冷齋夜話云川峽路民多供事烏蠻鬼以臨
江故頓頓食黃魚耳俗人不解便作養畜字
讀余嘗細考其說沈以為鷓鴣者是也鮑曰
爾雅注鱸魚中黃而大者長
二三又江東人呼為黃魚

西歷青羌坂南留白帝城於菟侵客恨拒收

作人情蒸裹如干室尚有少意謂送者縱橫
似家家如此至拒收作人情則俚矣

瓦十傳神語畚田費火聲是非何處定高枕

笑浮生公自注頃歲自秦涉隴從同谷縣出
遊蜀留滯於巫山也○鄭曰水經注

於菟蒼舒曰宋玉招菟拒收蜜餌有銀鏗注

云和教以蜜和米麵煎作之拒奇舉切收音
汝夢符曰元微之詩病賽烏稱鬼巫占瓦代
龜注云南人染病競賽烏鬼楚巫列肆悉賣
瓦十又神龍中西京壽安縣墨石山神祠頗
靈前有兩瓦子過客投之於上休咎仰為吉
覆為凶洙曰聲一作耕史記火耕水耨畚田
注見

鄂田父從驛次草堂復至東屯二首鶴曰按
是年秋

良藥復公自東屯又歸瀼西此
復至東屯蓋冬初也

峽裏歸田客江邊借馬騎非尋戴安道似向

賢家池山險風煙合天寒橘柚垂築場看斂

積一學楚人為

短景難高臥衰年強此身山家蒸栗暖野飯

射麋新世路知交薄門庭畏客頻牧童斯在

眼田父實為鄰草堂野至東屯

○暫往白帝復還東屯

復作歸田去猶殘穫稻功築場憐穴蟻拾穗

許村童落杵光輝白除芒子粒紅加食可扶

老倉庾慰飄蓬

刈稻了詠懷

稻穫空雲水川平對石門寒風踈草木旭日

散雞豚野哭初聞戰樵歌稍出村無家問消

息作客信乾坤

初聞其戰後見野哭而已五字悲甚稍字尤蕭索可憐結

意沉著非託之悠悠者

柳司馬至

有客歸三峽相過問兩京函關猶自將渭水

更屯兵設備邯鄲道和親邏遼城幽燕惟鳥

去商洛少人行衰謝身何補蕭條病轉嬰霜

天到宮闕此謂霜天寒戀主寸心明唐志惠

州有邯鄲縣屬河北漢書北走邯鄲道脩可

曰邏沙吐蕃都城名也按姑蘇及蜀本杜詩

從舊史為正鄭曰邏功佐切邏四箇切

自平官中呂大收珠南海千餘日近供生

犀翡翠稀復恐征戍干戈密蠻溪豪族小動

搖世封刺史非時朝蓬萊殿裏諸主將才如

伏波不得驕東坡志林杜子美詩云自平官

至以為唐時有自平官偶讀玄宗實錄有官

中呂夫一叛於嶺南杜詩蓋云自平官中呂

大以意故下文有南海收珠之句見書不廣而

廣德元年冬宦官廣州市舶使呂大一逐刺

史張沐而反又按唐志嶺南道厥貢金銀孔

雀犀象洙曰時溪洞蠻酋歸順者皆

世授刺史師曰漢馬援為伏波將軍

久雨期王將軍不至

天雨蕭蕭滯茅屋空山無以慰幽獨銳頭將

軍來何遲令我心中苦不足數看黃霧亂玄

雲時聽嚴風折喬木泉源泠泠雜猿狖渥澤
漠漠飢鴻鵠歲暮窮陰耿未已人生會面難
再得憶爾腰下鐵絲箭射殺林申雪色鹿前
者坐皮因問毛知子歷險人馬勞異獸如飛
星宿落應弦不礙蒼山高安得突騎只五千
峩然眉骨皆爾曹走平亂世相催促一豁明
主正鬱陶憶昔范增碎玉斗來使吳兵著白
袍昏昏閭闔閉氛祲十月荆南雷怒號漢高

又只家令吳兵
俱着白袍搖搖
張漢城

祖見項羽於鴻門間行趨灞上留張良以玉
斗獻范增增拔劍撞而碎之夢弼曰南史侯
景令東吳兵盡着白袍自為
營陣趙曰閭闔吳門名也
虎牙行公自注虎牙灘名也蕭銑僭
江陵曰屯兵于此後帝為屯

益州向地 戊之

秋風歛吸吹南國天地慘慘無顏色洞庭揚
波江漢迴虎牙銅柱皆傾側巫峽陰岑朔漠
氣峯巒窅窅溪谷黑杜鵑不來猿狖寒山鬼
幽憂雪霜逼楚老長嗟憶炎瘴三尺角弓兩

昔馬援征交
趾立銅柱以
紀功

斛力謂秋風筋勁也壁立石城橫塞起金錯旌竿滿

雲直漁陽突騎獵青丘犬戎鎖甲聞丹極八

荒十年防盜賊征戍誅求寡妻哭遠客中霄

淚霑臆沫曰銅柱灘名在涪陵青丘內地屬洛陽鶴曰聞字一作圍入荒十年防

盜賊上疑有脫句

寫懷二首

勞生共乾坤何處異風俗冉冉自趨競行行
見羈束無貴賤不悲無富貧亦足萬古一骸

骨鄰家遞歌哭鄙夫到巫峽三歲如轉燭全

命甘留滯忘情任榮辱朝班及暮齒日給還

脫粟編蓬石城東采藥山北谷用心霜雪間

不必條蔓綠非關故安排曾是順幽獨達士

如弦直小人似鈎曲曲直吾不知負暄候樵

牧寫得甚恨。趙曰朝班公自叙嘗為朝官也。鶴曰按虎牙行云壁立石城橫塞起觀

舞劍器行云瞿唐石城草蕭瑟則石城乃夔州地名也。沫曰謝靈運詩居常以待終處順

故安排後漢重誥云直如風

夜深坐南軒明月照我膝驚風翻河漢梁棟
已出日羣生各一宿飛動自儔匹吾亦驅其
兒營營為私實天寒行旅稀歲暮日月疾榮
名忽中人世亂如蟣蟲古者三皇前滿腹志
願畢胡為有結繩陷此膠與漆禍首燧人氏
厲階董狐筆君看燈燭張轉使飛蛾密放神
八極外俛仰俱蕭瑟終契如往還得匪合仙
術洙曰宋玉九辯薄寒之中人中竹仲切夢
彌曰燧人氏始鑽木取火炮生為熟董狐

占之良史也書法不隱洙曰燧人火化而爭
欲之心生董狐直筆而是非之端起談以為
禍首厲階也終契如往還一作終然契如真

觀公孫大娘弟子舞劍器行

并序

大曆二年十月十九日夔州別駕元特

宅見臨穎李十二娘舞劍器壯其蔚跂

問其所師曰余公孫大娘弟子也開元

三載余尚童稚記於郾城觀公孫氏舞

劍器渾脫瀏離頓挫獨出冠時自高頭

宜春梨園二伎坊內人洎外供奉曉是
舞者聖文神武皇帝初公孫一人而已
玉貌繡衣况余白首今茲弟子亦匪盛
顏既辨其由來知波瀾莫二撫事慷慨
聊為劒器行昔者吳人張旭善草書書
帖數常於鄴縣見公孫大娘舞西河劒
器自此草書長進豪蕩感激即公孫可
知矣序引張顛草書隱映頗達情態非

公不聞西河劒器武舞之曲名今誤作舞劒矣
此妙

昔有佳人公孫氏一舞劒器動四方觀者如
山色沮喪天地為之乂低昂燿如羿射九日
落矯如羣帝駿龍翔來如雷霆收震怒罷如
江海凝清光名狀得意○收字謂其猶隱隱
有聲也但舞一劒若謂其如雷
如霆則絳脣珠袖兩寂寞晚有弟子傳芬芳
非矣臨穎美人在白帝妙舞此曲神揚揚與余問
答既有以感時撫事憎惋傷先帝侍女八千

橋如岸帝終
之解

人公孫劔器初第一五十年間似反掌風塵

湏洞昏王室梨園弟子散如煙女樂餘姿映

寒日金粟堆南木已拱瞿唐石城草蕭瑟玳

筵急管曲復終樂極哀來月東出老夫不知

其所往足繭荒山轉愁疾濃至慘黯如野笛

也○鄭曰燿音鵠灼也洙曰淮南子堯時十

日並出堯令羿射中九日日鳥皆死墮其羽

翼夢弼曰臨穎縣屬許州洙曰唐紀玄宗親

拜五陵至睿宗橋陵見金粟山岡有龍盤鳳

翥之勢謂待臣曰吾千秋萬歲後宜葬此左

傳爾墓之木拱矣趙曰足繭足肌如繭也

有歎公自注傳蜀官

壯心久零落白首寄人間天下兵常鬪江東

客未還自蜀歸皆窮猿號雨雪老馬望關山

武德開元際蒼生豈重攀洙曰武德高祖年

寒雨朝行視園樹號開元明皇年號

柴門擁樹向千株丹橘黃甘此地無江土今

朝雲雨歇籬中秀色畫屏紆桃蹊李徑年雖

故梳子紅椒艷色殊鑠石藤梢元自落倚天

松骨見來枯林香出實垂將盡葉蒂辭枝不

重蘇愛日恩光蒙借貸清霜殺氣得憂虞衰

顏動覓藜牀坐緩步仍須竹杖扶散騎未知

雲閣處啼猿僻在楚山隅洙曰晉潘岳秋興賦余以太尉掾寓

直干散騎之省高閣連雲陽景罕曜夙興晏寢匪違底寧於是慨然而賦

容木白鳥行

君不見黃鵠高於五尺童化為白鳥似老翁

謠故畦遺穗已蕩盡天寒歲暮波濤中鱗介

腥膻素不食終日忍飢西後東魯門鷄鷓亦

蹭蹬聞道如今猶避風夢弼曰一國語海鳥鷄鷓止於魯東門外展

禽曰今茲海其有災乎夫廣州之鳥獸常知避其災是歲海多大風

冬至

年年至日長為客忽忽窮愁澀殺人江上形

容吾獨老天涯風俗自相親杖藜雪後臨丹

壑鳴玉朝來散紫宸心折此時無一寸路迷

何處見三秦洙曰漢書項羽三分關中王秦

馬欣為塞王都襟陽董翳
為翟王都高奴故曰三秦

舍弟觀赴藍田取妻子到江陵喜寄

容晉爵三首我風谷自昨昨林葉雲外謝丹

汝迎妻子達荆州消息真傳解我憂鴻鴈影

來連峽內鵲鴿飛急到沙頭曉關險路今虛

遠禹鑿寒江正穩流朱紱即當隨綵鷁青春

不假報黃牛希曰沙頭亦地名在江陵脩可

南今以觀赴藍田故云洙曰郭璞江賦巴東之峽夏后疏鑿

馬度秦山雲正深北來肌骨苦寒侵他鄉就

我生春色故國移居見客心歡劇提攜如意

舞喜多行坐白頭吟巡簷索共梅花笑冷藥

踈枝半不禁洙曰歡劇一作刺欲王戎

庾信羅含俱有宅春來秋去作誰家短牆若

在從殘草喬木如存可假花此若在如存上

築應同蔣詡徑為園須似邵平瓜比年病酒

開涓滴甚真弟勸兄酬何怨嗟黃曰庾信因侯景之亂自建康

遁歸江陵居宋玉故宅宅在城北三里羅舍
為桓温別駕以廨舍喧擾於江陵城西三里
小洲上立茅屋而居洙曰三輔夾錄蔣詡舍
中竹下開三徑惟羊仲求仲從之遊漢書邵
平故秦東陵侯貧
種瓜長安城東

別李義

神堯十八子十七王其門道國泊舒國實惟
親弟昆中外貴賤殊余亦忝諸孫丈人嗣王
業之子白玉温道國繼德業請從丈人論文
人領宗卿肅穆古制敦先朝納諫諍直氣橫

乾坤子建文章壯河間經術存温克富詩禮
骨清慮不喧洗然遇知己談論淮湖奔憶昔
初見時小襦繡芳蓀長成忽會面慰我久疾
魂三峽春冬交江山雲霧昏正宜且聚集恨
此當離樽莫怪執盃遲我衰涕唾煩重問子
何之西上岷江源願子少干謁蜀都足戎軒
誤失將帥意不如親故恩少年早歸來梅花
已飛翻努力慎風水豈惟數盤殮猛虎卧在

岸蛟螭出無痕王子自愛惜老夫困石根生

別古所嗟發聲為爾吞

鮑曰高祖二十子

衛懷王玄霸楚哀王智雲先薨太子建成巢

宗有天下十七子封王也趙曰中外貴賤殊

余亦忝諸孫詳詩意李義當是道國之裔孫

而公則裔國後裔之外孫也又指李義

也洙曰曹植字子建魏文帝弟也河間獻王

德漢景帝子也趙曰賈誼過秦論寒者利短

小儒也

送高司直尋封閬州

丹雀啣書來暮棲何鄉樹驂騑事天子辛苦

在道路司直非冗官荒山甚無趣借問泛舟

人胡為入雲霧與子姻婭間既親亦有故萬

里長江邊邂逅一相遇長卿消渴再公幹沉

綿屢清談慰老夫開卷得佳句時見文章士

欣然淡情素伏枕聞別離疇能忍漂寓良會

苦短促溪行水奔注能罷咆空林游子慎馳

驚西謁巴中侯艱險如跬步主人不世才先

帝常特顧拔為天軍佐崇大王法度淮海生
清風南翁尚思慕公宮造廣厦木石乃無數
初聞伐松栢猶卧天一柱我病書不成成字
讀亦誤為我問故人勞心練征戍趙曰尚書中候曰赤
崔丹書入豐止于昌前昌拜稽首受之列子
周穆王駕八駿之乘右服驩駟驅馳千里鶴
曰司直大理寺官也洙曰漢司馬長卿病渴
魏劉公幹詩余嬰沉痾疾竄身清漳濱巴中
指閬州主人謂巴中侯也希曰漢天文志有
羽林天軍唐兵志則有天武健兒神武天騎
其以此為天軍耶趙曰言淮海則必嘗官於
揚州等處也希曰南翁即如頃羽傳所謂南

公也趙曰左傳構其公宮猶卧天一柱則因
以美封閬州也神異經崑崙有銅柱其高入
天所謂天柱也故
人即是指封閬州

錦樹行

今日苦短昨日休歲云暮矣增離憂霜凋碧
樹作錦樹萬壑東逝無停留荒戍之城石色
古東郭老人住青丘飛書白帝營斗粟琴瑟
几杖柴門憂青草萋萋盡枯死天驥跛足隨
蒼牛自古聖賢多薄命姦雄惡少封公侯故

國三年一消息終南渭水寒悠悠五陵豪貴
反顛倒鄉里小兒狐白裘生男墮地要膂力
生女富貴傾邦國莫愁父母少黃金天下風
塵兒亦得夔後語言多亂雜有適當然者當通前後看。夢弼曰青丘亦地名而非內地屬洛陽者趙曰鼈牛蠻中牛也鄭曰鼈陵之切又莫褒切生女本又作一生

白帝城樓

江度寒山閣城高絕塞樓翠屏宜晚對白谷
會深遊急急能鳴鴈輕輕不下鷗夷陵春色

起漸擬放扁舟

夢弼曰夷陵峽州也

夜宿西閣曉呈元二十一曹長

城暗更籌急樓高雨雪微稍通綃幕霽遠帶
玉繩稀門鵲晨光起檣烏宿處非寒江流甚

細有意待人歸

趙曰綃縑也謂天霽之色薄如綃沫曰玉繩星名謝玄暉

詩玉繩低建章希曰檣烏謂船檣上刻為烏形以占風也

西閣口號呈元二十一

山木抱雲稠寒空繞上頭雲崖纔變石風幔

門榜身好

上集卷八

七

啓

不依樓社稷堪流涕安危在運籌看君話王
室感動幾銷憂

寄從孫崇簡

嵯峨白帝城東西南有龍湫北虎溪起亦高吾

孫騎曹不記馬業學尸鄉多養雞龐公隱時

盡室去武陵春樹他人迷與汝林居未相失

近身藥裏酒長攜牧叟樵童亦無賴莫令斬

斷青雲梯脩可曰一世說王子猷為桓冲騎曹參軍桓問曰卿署何曹答曰不知

何曹時見牽馬來似是馬曹又問所管幾馬曰不知馬何由知數又問馬比死多少曰未
知生焉知死劉向列仙傳祝雞翁洛人也居尸鄉北山下養雞千餘頭皆有名字

奉送卿二翁統節度鎮軍還江陵鶴

卿二翁姓崔乃公舅氏

火旗還錦纜白馬出江城嘹唳吟笳發蕭條

別浦清寒空巫峽曙落日渭陽情留滯嗟衰

疾何時見息兵趙曰火旗朱旗也

莫莫白帝樓

漠漠虛無裏連連睥睨侵樓光去日遠峽影

入江深臘破思端綺春歸待一金春歸待一金可念臘

破思端綺非工部金去年梅柳意還欲攪邊

集孰謂此語堪解平心趙曰睥睨城上女墻也詩客從遠方來遺我一端綺古

夜歸

夜來歸來衝虎過非癡非狂語山黑家中已眠臥

傍見北斗向江低仰看明星當空大庭前把

燭噴兩炬峽口驚猿聞一箇白頭老罷舞復

歌杖藜不睡誰能那

夜聞簫篋師曰樂部曰簫篋者笳管也卷蘆葉為頭截竹為管

出於胡地唐編入鹵簿名為笳管通典曰簫篋本名悲慄出於胡中其聲

悲東夷有卷大禮中鳥鳴笳白挑皮為之者

夜聞簫篋滄江上衰年側耳情所嚮鄰舟一

聽多感傷塞曲三更歛悲壯積雪飛霜此夜

寒孤燈急管復風湍君知天地干戈滿不見

江湖行路難君知干戈如此則不復恨行路矣○實歷喟然

前苦寒行二首

漢時長安雪一丈牛馬毛寒縮如蝟楚江巫
峽冰入懷虎豹哀號又堪記秦城老翁荆揚
客慣習炎蒸歲絺綌玄冥祝融氣或交手持
白羽未敢釋脩可曰西京雜記漢元封中大
卷縮如蝟洙曰老翁公去年白帝雪在山今年白帝雪在地凍埋蛟
龍南浦縮寒刮肌膚北風利楚人四時皆麻

衣楚天萬里無晶輝三足之鳥足恐斷羲和
迭迭將安歸趙曰進南子曰中有跋鳥

晚晴

高唐暮冬雪壯哉舊瘴無復似塵埃崖沉谷
沒白皚皚江石缺裂青楓摧南天三旬苦霧
開赤日照耀從西來六龍寒急光徘徊照我
衰顏忽落地口雖吟詠心中哀未怪及時少
年子揚眉結義黃金臺泪乎吾生何飄零支

離委絕同死灰

意甚悲語甚澀

臣平昔主回鵬零支

蓬映天過孤城樹羽楊風直江濤簸岸黃沙

走雲雪埋山蒼兕吼君不見夔子之國杜陵

方冬合沓玄陰塞昨日晚晴今日黑萬里飛

蓬映天過孤城樹羽楊風直江濤簸岸黃沙

走雲雪埋山蒼兕吼君不見夔子之國杜陵

翁牙齒半落左耳聾

後苦寒行二首

南紀巫廬瘴不絕太古以來無尺雪蠻夷長

老怨苦寒崑崙天關凍應折玄猿口噤不能

嘯白鵠翅垂眼流血安得春泥補地裂

夢弼曰詩

南國之紀巫廬二山也崑崙山為天柱崆峒山為天關

晚來江間失大木猛風中夜飛白屋天兵斬

斷青海戎殺氣南行動坤軸不爾苦寒何大

酷巴東之峽生凌澌彼蒼迴幹人得知

兩首兩樣

作者自然○洙曰本一作江門鶴曰青海戎指吐蕃也

元日示宗武

大曆三年夔州至江陵府作山谷云予謫居黔

州盡書子美兩川夔峽諸詩以遺丹
稜楊素翁俾刻之石使大雅之音久
湮沒而復盈三巴之耳素翁又欲作
高屋廣楹庇此石因請名焉予名之
曰大雅堂仍為作記其畧云由杜子
美以來四百餘年斯文委地文章之
士隨世所能傑出時輩未有升子美
之堂者况室家之好耶余嘗欲隨偶
然會意處箋以數語終以汨沒世俗
初不暇給雖然予美詩妙處乃在無
意而意已至非廣之以國風雅頌深
之以離騷九歌安能咀嚼其意味闢
然入其門耶故使後生輩自求之則
得之深矣使後之登大雅堂者能以
余說而求之則思過半矣彼喜穿鑿
者棄其大旨取其發興於所遇林泉

如人物草木魚虫以為物物皆有所託
如世間商度隱語者則子美之詩委
地矣

汝啼吾手戰吾笑汝身長處處逢正月迢迢
滯遠方飄零還柏酒衰病只藜牀訓諭青衿
子名慙白首郎賦詩猶落筆獻壽更稱觴不
見江東弟高歌淚數行公字注弟豐在江左無消息
又示宗武

覓句新知律攤書解滿床試吟青玉案莫帶

紫羅囊假日從時飲明年共我長應須飽經
術已似愛文章十五男兒志三千弟子行曾
參與游夏達者得升堂老人語○洙曰張平
子四愁詩美人贈我
錦綉段何以報之青玉案晉謝玄少好佩紫
羅香囊叔父安患之而不欲傷其意因戲賭
取之於此遂止假
因架切休假也

女帝音遠懷舍弟穎觀等

陽翟空知處荆南近得書積年仍遠別多難
不安居江漢春風起冰霜昨夜除雲天猶錯

莫花萼尚蕭疎對酒都疑夢吟詩正憶渠舊

時元日會鄉黨美吾廬鶴曰陽翟縣屬許州
穎之所在也荆南即

江陵前有舍弟觀
取妻子到江陵詩

太歲日鶴曰按史大曆三年歲次戊
申正月丙午朔則初三日為

太歲
日也

楚岸行將老巫山坐復春病多猶是客謀拙

竟何人間闔闔開黃道衣冠拜紫宸榮光懸日

月賜子出金銀愁寂鴛鴦行斷參差虎穴鄰西

江元下蜀北斗故臨秦散地逾高枕生涯脫

要津天邊梅柳樹相見幾回新後山詩話云王

天宮殿開闔闔萬國衣冠拜冕旒子美取作

五字云闔闔開黃道衣冠拜紫宸而語益工

也鶴曰唐紫宸正殿名洙曰中候曰榮光出

河休氣四塞榮光即五色也趙曰楚人指蜀

江為西江以其從西而丙午時辰

下也散地閑散之地也

喜聞盜賊蕃寇揔退口號五首鶴曰

按史

大曆二年吐蕃入寇十月路

蕭關隴水入官軍青溪黃河卷塞雲北極轉

愁龍虎氣西戎休縱犬羊羣

趙曰蕭關在靈

指隴州也青海在

贊普多教使入秦數通和好止煙塵朝廷忽

用哥舒將殺伐虛悲公主親

說舊事○洙曰

也趙曰開元末吐蕃金城公主薨遣使來告

又因請和明皇不許以哥舒翰節度隴右翰

崆峒西極過崑崙馳馬由來擁國門逆氣數

年吹路斷蕃人聞道漸星奔

趙曰劉孝標廣

影星

勃律天西采玉河堅昆碧益最來多舊隨漢

使千堆寶少答胡王萬匹羅

鄭曰唐書西域傳大勃律西與

小勃律接夢符曰唐書于闐國有玉河國入

夜視月光盛處必得美玉趙曰堅昆國出碧

今春喜氣滿乾坤南北東西拱至尊大曆三

年調玉燭玄元皇帝聖雲孫

趙曰爾雅四氣和謂之玉燭脩

可曰唐以老子為聖祖封玄元皇帝師曰爾雅釋仍孫之子為雲孫注言輕遠如浮雲

元之信仍如
子為雲如

續得觀書迎就當陽居止正月中旬

定出三峽

鶴曰當陽縣屬江陵府

自汝到荆府書來數喚吾頌椒添諷詠禁火

卜歡娛舟楫因人動形骸用杖扶天旋夔子

峽春近岳陽湖發日排南喜傷神散北呀飛

鳴還接翅行序密銜蘆俗薄江山好

無情者不變

時危草木蘇馮唐雖晚達終覬在皇都

呂氏童蒙

訓云杜詩如雕虫蒙記憶烹鯉問沉綿不說作賦而說雕虫不說高書而說烹鯉不說疾

病而說沉綿頌椒添諷詠禁火十歡娛不說
歲節但云頌椒不說寒食但云禁火亦文章
之妙也

人日二首

元日到人日未有不陰時冰雪鸞難至春寒

花較遲雲隨白水落風振紫山悲蓬鬢稀疎

久無勞比素絲

稀疎少疊恁有態。蔡條西清詩話云都人劉克窮該典

籍嘗與客論云子美人日詩元日至人日未
有不陰時人知其一不知其二起就架上取
書示客曰此東方朔占書也歲後八日一日
為雞二日為狗三日為豕四日為羊五日為

牛六日為馬七日為人八日為穀其日晴主
所生之物育陰則災少陵意謂天寶離亂四
方雲擾幅裂人物歲歲俱
災豈春秋書王正月意耶

此日此時人共得一談一笑俗相看樽前相

葉休隨酒勝裏金花巧耐寒佩劍衝星聊暫

拔匣琴流水自須彈早春重引江湖興直道

無憂行路難

趙曰四民月令元日進椒栢酒
朱曰歲時記人日剪綵為花勝

以相遺或鏤金薄為人勝以像瑞
圖之形趙曰伯牙鼓琴志在流水

江梅

梅蘂臘前破梅花年後多絕知春意早最奈
客愁何雪樹元同色江風亦自波故園不可
見巫岫鬱嵯峨

楚草經寒碧庭春入眼濃舊低收葉舉新掩
捲牙重步履宜輕過開筵得屢供看花隨節
序不敢強爲容

○將別巫峽贈南鄉兄讓西果園四十

畝

苔竹素所好萍蓬無定居遠遊長兒子幾地
別林廬雜蘂紅相對他時錦不如具舟將出
峽巡圃念攜鋤正月喧鶯未茲辰放鷁初雪
籬梅可折風榭柳微舒託贈卿家有謂卿家
所有更

贈君此因歌野興踈殘生逗江漢何處狎樵

漁語自可念○洙曰司馬相如賦浮文鷁
注鷁水鳥畫其象於舟首以厭水怪

送大理封主簿五郎親事不合却赴

通州主簿前閩州賢子余與主簿平
章鄭氏女子垂欲納采鄭氏伯父京
書至女子已許他族親事遂停

禁纒去東牀趨庭赴北堂風波空遠涉琴瑟
幾虛張渥水出騏驥崑山生鳳凰兩家誠款
款中道許蒼蒼頗謂秦晉匹從來王謝郎青
春動才調白首缺輝光玉潤終孤立珠明得
闇藏餘寒坼花卉恨別滿江鄉題意懶款詩不盡興○洙

曰晉孝武帝為晉陵公主求婿謂王珣曰主
婿但如劉真長王子敬便足珣對曰謝混雖
不及真長不減子敬未幾帝崩袁山松欲以
女妻之珣曰卿莫近禁纒初元帝始鎮建業
公私窘罄每得一豚以為珍膳項上為戲混
美輒以薦帝時呼為禁纒故珣因以為戲混
竟尚主郗鑒使門生求女婿於王導導令就
東廂徧觀子弟門生歸謂鑒曰王氏諸少並
佳然聞信至咸自矜持惟一人在東床坦腹
食獨若不聞鑒曰正此佳婿邪訪之乃羲之
也遂以女妻之漢書馬生渥注水中左傳秦
晉匹也晉江左以王謝為胄族晉樂廣以女
妻衛玠議者以為婦
翁冰清女壻玉潤

大曆三年春白帝城放船出瞿唐峽

久居夔府將適江陵漂泊有詩凡四

十韻

鶴曰詩言舟行所經之地至宜都而止則此詩作於夷陵也

老向巴人裏今辭楚塞隅入舟翻不樂

言思歸之

久得舟則快矣而臨別不可為情也五字備見反覆殊不用力解纜獨長吁

窄轉深啼狃虛隨亂浴鳧石苔凌几杖空翠

撲肌膚疊壁排霜劍奔泉濺水珠杳冥藤上

下濃淡樹榮枯神女峯娟妙昭君宅有無曲

留明怨惜夢盡失歡娛擺闔盤渦沸歌斜激

浪輸風雷纏地脉冰雪曜天衢鹿角真趨險

狼頭如跋胡

公自注鹿角狼頭二灘名

惡灘寧變色高卧

負微軀書史全傾撓裝囊半壓濡生涯臨臬

兀死地脫斯須不有平川决焉知衆壑趨乾

坤霾漲海雨露洗春蕪鳥牽絲颺驪龍濯

錦紆落霞沉綠綺殘月壞金樞

奇險坡玉塔微瀾本出於

此泥笋苞初荻沙茸出小蒲鴈兒爭水馬燕

子逐檣鳥絕島容煙霧環州納曉晡前聞辨

陶牧轉眄拂宜都縣郭南畿好津亭北望孤
勞心依憇息朗詠劃昭蘇意遣樂還笑衰迷
賢與愚飄蕭將素髮汨沒聽洪鑪丘壑曾忘
返文章敢自誣此生遭聖代誰分哭窮途造次
有體卧疾淹為客蒙恩早厠儒廷爭酬造化樸
直乞江湖灑瀕險相迫滄浪深可逾浮名尋
已已嬾計却區區喜近天皇寺先披古畫圖
公自注此寺有晉王右軍書應經帝子渚同
張僧繇畫孔子十哲形像

泣舜蒼梧朝士兼戎服君王按湛盧旄頭初
俶擾鶉首麗泥塗甲卒身雖貴書生道固殊
出塵皆野鶴歷塊匪轅駒伊呂終難降韓彭
不易呼異代同歎五雲高大甲太甲欠考注謂以太甲比代宗繆且
無六月曠搏扶回首黎元病爭權將帥誅山
林託疲薻未必免崎嶇洙曰神女峯昭君宅注見前左傳鄭子家
曰小國之事大國不德則其鹿也鋌而走險
急何能擇詩狼跋其胡謝玄暉詩餘霞散成
綺澄江靜如練夢符曰本草水馬生水中善
行如馬亦謂之海馬蘇曰王粲登樓賦北彌

陶牧注陶鄉名江陵縣西有陶朱家爾雅釋地郊外謂之牧洙曰宜都峽州也趙曰廷爭酬造化公嘗論房瑄不宜廢夢符曰梁張僧繇嘗於江陵天皇寺栢堂圖盧舍那佛像夜有奇光發自屋壁又於堂內圖孔子十哲像或謂釋門之內寫素王之容雖曰神異無方豈可夷夏同貫僧繇笑曰吾誠偶然安知不利於後聞者莫知其旨及後周滅二教梁為附庸荆楚祠宇莫不毀撤惟天皇寺有宣尼像遂為國庠時人歎其先覺又嘗於此寺畫龍不即點睛道俗請之捨錢數萬落筆之後雷雨晦冥忽失龍不知所在見渚宮故事定功曰屈原九歌帝子降兮北渚注帝子堯二女也隨舜不返沒於湘水之渚史記舜南符行死於蒼梧之野歸葬於江南之九疑洙曰湛盧越王劍名晉天文志昂為旌頭胡星也

書胤征羲和倂擾天紀鶡首秦之分野屬雍州趙曰鶡首麗泥塗謂廣德元年長安陷也洙曰伊呂韓彭謂伊尹呂望韓信彭越也莊子鵬之徙於南溟也搏扶搖而上者九萬里去以六月息者也又爾然瘦而不知其所歸可不哀邪

巫山縣汾州唐使君十八弟宴別兼

諸公攜酒樂相送率題小詩留于屋

壁

卧病巴東久今年強作歸故人猶遠謫茲日倍多違接宴身兼杖聽歌淚滿衣諸公不相

棄擁別借光輝

鶴曰山谷詩集有戲題巫山

客吳儂但憶歸直知難共語不是故相違東

縣聞銅臭江陵換袷衣丁寧巫峽雨慎莫暗

暉朝

春夜峽州田侍御長史津亭留宴得

筵字

北斗三更席西江萬里船杖藜登水榭揮翰

宿春天白髮須多酒明星惜此筵始知雲雨

峽忽盡下牢邊

鶴曰峽州

敬寄族弟唐十八使君

與君陶唐後盛族多其人聖賢冠史籍枝派

羅源津在今最磊落巧偽莫敢親介立寔吾

弟濟時肯殺身物白諱受玷行高無汗真得

罪永泰末放之五溪濱鸞鳳有鍛翮先儒曾

抱麟雷霆霹長松骨大却生筋一失不足傷

念子孰自珍泊舟楚宮岸戀闕浩酸辛除名

配清江厥土巫峽鄰登陸將首途筆札枉所

申歸朝跼病肺叙舊思重陳春風洪濤壯谷
轉頗彌旬我能汎中流擔突鼉獺嗔長年已

省施慰此貞良臣洙曰左傳范宣子曰昔句

在夏為御龍氏在商為豕韋氏在周為唐杜

氏晉主夏盟為范氏夢弼曰永泰代宗年號

鄭曰水經云武陵有五溪謂雄溪楠溪西溪

海溪辰溪悉是蠻夷子孫後漢書注云今在

辰州界洙曰顏延年詠嵇中散詩鸞翮有時

鍛鍛所拜切殘也鶴曰施州為清江郡趙曰

郭璞江賦盤澗谷轉

洙曰長年操舟者

泊松滋江亭鶴曰松滋縣

屬江陵府

紗帽隨鷗鳥扁舟繫此亭江湖深更白凡水

必黑惟湖光最白松竹遠還青一柱全應近

非子美誰能道此高唐莫再經恨無復今宵南極外甘作老人

星洙曰一柱觀在江陵高唐觀在巫峽

行次古城店泛江作不揆鄙拙奉呈

江陵幕府諸公

老年常道路遲日復山川白屋花開裏孤城

麥秀邊開闢濟江元自闊下水不勞牽風蝶

勤依槩春鷗懶避船王門高德業

公自注時陽城郡王

衛伯玉為江陵節度使

幕府盛材賢行色兼多病蒼茫

汎愛前

泛泛舟愛向前至江陵息此老病也

荆州當陽縣東南有麥城洙曰史記箕子過故殷墟作麥秀之歌

乘雨入行軍六第宅

夢弼曰時杜位為江陵行軍司

馬

曙角凌雲罷春城帶雨長水花分塹弱巢燕

得泥忙令弟雄軍佐

公數自稱令弟皆創意傳後可據耳

汚省郎萍漂忍流涕衰颯近中堂

上巳日徐司錄林園宴集

鬢毛垂領白花菜亞枝紅欹倒衰年廢招尋

令節同薄衣臨積水吹面受和風

老人語別有喜

留攀桂無勞問轉蓬

洙曰潘岳秋興賦班鬢彪以承弁兮素髮颯以

垂領劉安招隱士云攀援挂枝兮聊淹留

宴胡侍御書堂

公自注李尚書之芳鄭秘監審同集歸字

韻

江湖春欲暮牆宇日猶微閭閻書籍滿輕輕

花絮飛翰林名有素墨客興無違今夜文星

動吾儕醉不歸洙曰漢揚雄作長楊賦藉翰

風趙曰翰林以稱鄭李及胡侍御

書堂飲既夜復邀李尚書下馬月下

賦絕句

湖上林風相與清殘罇下馬復同傾甚得當日之意

又拚野鶴如雙鬢遮莫鄰雞下五更巖有翼

黃云遮莫蓋俚語猶言儘教也自唐以來有

之故當時有遮莫你古時五帝何如我今日

三郎之說然詞人亦稍有之者杜詩云又

拚野鶴如雙鬢遮莫鄰雞下五更李太白詩

遮莫枝根長百尺不如當代多還往

遮莫親姻連帝城不如當代自簪纓

江南逢李龜年

岐王宅裏尋常見崔九堂前幾度聞公自注

殿中監崔條。與來正是江南好風景落花

時節又逢君鶴曰按史岐王範睿宗子然以

王珍也洙曰明皇雜錄云天寶中上命宮中

女子數百人為梨園弟子時有馬仙期李龜

年賀懷智皆洞知律度龜年特承顧遇於東
都大起第宅後流落江南每遇良辰勝景為
人歌數闕座上聞之莫不掩泣罷酒夢弼曰
雲溪友議明皇樂工李龜年奔迫江潭曾於
湖南採訪使筵上唱紅豆生南國秋來發幾
枝贈公多採摘此物最相思又云清風明月
苦相思蕩子從戎十載餘征人去日慙慙
囑歸鴈來時數附書此詞皆王維所作也

南征

春岸桃花水雲帆楓樹林偷生長避地適遠
更霑襟老病南征日君恩北望心百年歌自
苦未見有知音此等不忍再讀

地隅

江漢山重阻風雲地一隅年年非故物處處

是窮途喪亂秦公子悲涼楚大夫平生心已

折行路日荒蕪洙曰謝靈運擬魏公子鄴中

孫遭亂流寓傷情楚大夫屈原宋玉也

歸夢

道路時通塞江山日寂寥偷生惟一老伐叛

已三朝紀事有情雨急青楓暮雲深黑水遙

夢歸歸未得不用楚辭招

趙曰楚地多楓此

在鄂杜之間

去長安為近

奉送蘇州李二十五長史丈之任

星拆台衡地曾為人所憐公侯終必復經術

竟相傳食德見從事克家何妙年一毛生鳳

穴三尺獻龍泉赤壁浮春暮姑蘇落海邊客

間頭最白惆悵此離筵

趙曰晉張華傳少子

遜位華不從後竟被誅今以言李長史之父

惜乎無所考洙曰漢成帝時歌謠曰桂樹華

不實黃爵巢其顛故為人所羨今為人所憐

左傳公侯之子孫必復其始漢韋賢父子明

經位至丞相易訟卦六二食舊德貞厲終吉

或從王事無成蒙九二子克家夢符曰南史

謝鳳子超宗宋文帝見其作殷淑儀誅嗟賞

謂謝莊曰超宗殊有鳳毛洙曰龍泉楚王劔

名趙曰赤壁言李長史所經

之地蘇州稱姑蘇本山人

暮春江陵送馬大卿公恩命追赴闕

王軍冀下

自古求忠孝名家信有之吾賢富才術此道

未磷緇玉府標孤映霜蹄去不疑激揚音韻

徹籍甚衆多推潘陸應同調孫吳亦異時北
宸徵事業南紀赴恩私卿月昇金掌王春度
玉璫薰風行應律湛露即歌詩天意高難問
人情老易悲樽前江漢闊後會且深期洙曰後漢
韋彪議曰求忠臣必於孝子之門孫季昭示
兒編云村詩中多有反經史字音論語磨而
不磷力刃切公暮春送馬太卿曰此道未磷
緇別崔湜曰但取不磷緇皆作平聲趙曰潘
陸謂潘岳陸機洙曰孫吳謂孫武吳起書卿
士惟月趙曰金掌謂承露仙人掌此譬其近
於顯要也王春度玉璫言其以春時詣
天子之丹墀也詩湛露天子燕諸侯也

今詩
暮春陪李尚書李中丞過鄭監湖亭
泛舟得過字鶴曰湖亭在峽州

海內文章伯湖邊意緒多玉樽移晚興桂楫
帶酣歌春日繁魚鳥江天足芰荷鄭莊賓客
地衰白遠來過更肯留婁子
前年命蠶穀行史今年開州送陳史羣盜
天下郡國向萬城無有一城無甲兵焉得鑄
甲作農器一寸荒田半得耕牛盡耕田蠶亦

美人石記

成不勞烈士淚滂沱男穀女絲行復歌

天不憐巨絕句無有

前年渝州殺刺史今年開州殺刺史羣盜相

隨劇虎狼食人更肯留妻子師曰步將吳璘

卞以反杜鴻漸討平之又部卒翟封殺開州

刺史蕭崇之以叛楊子琳討平之

渝州屬劍南開州屬山南杜鴻漸平吳璘楊

子琳平翟封在大曆元年與三年學林新編

云子美杜鵑詩前四句或者謂是題下注此

論殊非子美又有絕句云前年渝州殺刺史

今年開州殺刺史正與杜

鵑詩相類自是一格也

二十一家同入蜀唯殘一人出駱谷自說三

女齧臂時迴頭却向秦雲哭希曰唐志鳳翔

谷關西南界入洋州路

殿前兵馬雖驍雄縱暴略與羗渾同聞道殺

人漢水上婦女多在官軍中師曰時天子命

策軍彈壓蜀中之亂羗渾謂吐谷渾本西羗之種也

和江陵宋大少府暮春雨後同諸公
及舍弟宴書齋

云

渥洼汗血種天上麒麟兒才士得神秀書齋

聞爾為必聞字不可解棣華晴雨好綵服暮春

宜朋酒日歡會老夫今始知誠齋謂此譏諸公會不見招雖

至猥淺得義外意。洙曰渥洼汗血馬見漢書禮樂志南史徐陵年數歲家人携以候沙

門釋寶誌誌摩其項曰天上石麒麟也詩朋酒注兩樽曰朋

宇文晁尚書之甥崔或司業之孫尚

書之子重泛鄭監前湖

郊扉俗遠長幽寂野水春來更接連錦席淹

留還出浦葛巾欹側未迴船樽當霞綺輕初

散棹拂荷珠碎却圓不但習池歸酌酊君看

鄭谷去黃緣洙曰謝玄暉詩餘霞散成綺晉山簡遊習池鄭子真耕於谷口

並註見前余點寒山吳會客

惜別行送向卿進奉端午御衣之上

晉師妹都天曆三年夏江陵府作

肅宗昔在靈武城指揮猛將收咸京向公泣

血洒行殿佐佑卿相乾坤平逆胡冥冥隨煙

燼卿家兄弟功名震麒麟閣畫鴻鴈行紫極
出入黃金印尚書勲業超千古雄鎮荊州繼
吾祖裁縫雲霧成御衣拜跪題封賀端午向
卿將命寸心赤青山落日江湖白卿到朝廷
說老翁漂零已是滄浪客趙曰向卿其名無所考鶴曰尚書謂
衛伯玉也時為荊南節度江陵尹趙曰公之
遠祖杜預在晉為鎮南大將軍都督荊州諸
軍
事

夏日楊長寧宅送崔侍御常正字入

京探韻得深字

鶴曰唐志長寧縣屬鎮北大都護府

醉酒揚雄宅升堂子賤琴不堪垂老鬢還對

欲分襟天地西江遠星辰北斗深烏臺俯麟

閣長夏白頭吟

洙曰揚雄有宅一區家素貧嗜酒必子賤治單父彈琴不

下堂而單父治御史府名烏臺注見前希曰唐改秘書省為麟閣

夏夜李尚書筵送宇文石首赴縣聯

句

夢弼曰李尚書名之芳宇文名或尚書之甥也石首縣屬江陵

愛客尚書重之官宅相賢酒香傾坐側帆

影駐江邊之芳翟表郎官瑞鳧看令宰仙或

雨稀雲葉斷夜久燭花偏甫數語歌紗帽高

文擲綵牋之芳興饒行處樂離惜醉中眠或

單父長多暇河陽實少年甫客居逢自出為

別幾凄然之芳○洙曰晉魏舒少孤為外家

云當出貴甥外祖母以盛氏甥小而慧意謂

應之舒曰當為外氏成此宅相書羽畎夏翟

注翟雉名漢蕭望之為郎有雉數十常隨車

翔集王喬鳧舄宓子賤治單父潘岳為河陽

令並見前注左傳晉

侯曰康公我之自出

多病執熱奉懷李尚書之芳

衰年正苦病侵陵首夏何須氣鬱蒸大水淼

茫炎海接竒峯碑兀火雲升恩霑道暍黃梅

雨敢望官恩玉井冰不是尚書期不顧山陰

野雪興難乘山陰野雪反語○鄭曰暍音謂

曰漢陳遵每飲賓客輒關門取客車轄投井

中雖有急終不得去時北都刺史奏事過遵

值其方飲刺史大窮候遵霑醉時突入見遵

後閣出應休璉與公琰書仲孺不辭同產之

夜懷戴安道便乘舟詣之造門不前而返
日乘輿而來興盡而返何必見安道邪

水宿遣興奉呈羣公

魯鈍仍多病逢迎遠復迷耳聾須畫字髮短
不勝篋澤國雖勤雨炎天竟淺泥小紅還積
浪弱纜且長堤歸路非關北行舟却向西暮
年漂泊恨今夕亂離啼童稚頻書札盤飧詎
糝藜我行何到此物理直難齊高枕翻星月
嚴城疊鼓鞞風號聞虎豹水宿伴鳧鷖異縣

驚虛往同人惜解攜蹉跎長汎鷁展轉屢聞
雞嶷嶷瑚璉器陰陰桃李蹊餘波期救涸費
日苦輕齋杖策門闌邃肩輿羽翮低自傷甘
賤役誰愍彊幽棲巨海能無釣浮雲亦有梯
勲庸思樹立語默可端倪贈粟困應指登橋
柱必題丹心老未折時訪武陵溪

鶴曰澤國字出周禮

勤雨字雖出穀梁傳言不雨者勤雨也而此
乃勤數之義洙曰家語孔子藜羹不糝李廣
傳桃李不言下自成蹊吳周瑜求資糧於魯
肅肅家有兩困米各三千斛肅乃指一困與

周瑜成都城北有昇遷橋司馬相如初西去題其柱曰不乘駟馬車不復過此橋

江陵望幸

雄都元壯麗望幸歛威神地利西通蜀天文北照秦風煙含越鳥舟楫控吳人且悲且喜倉卒有氣

未枉周王駕終期漢武巡甲兵分聖旨居守

付宗臣早發雲臺仗恩波起涸鱗鶴曰按史

以江陵府為南都又按廣德元年吐蕃入寇代宗幸陝以衛伯玉有幹畧可當方面任大事乃拜荆南節度使意是時代宗有意幸江陵故公有此作王內翰注云時大駕在蜀然

明皇幸蜀時未以江陵為都也深曰周穆王肆意遠遊駕八駿之乘漢武帝南巡至于盛唐注盛唐南郡也景帝時七國反以誅鼂錯為名錯欲令上自將兵而身居守蕭何漢之宗臣鶴曰宗臣指郭子儀為京師帝以子儀為京師留守

號國夫人

號國夫人承主恩平明上馬入宮門却嫌脂

粉浣顏色淡掃蛾眉朝至尊夢弼曰唐書楊貴妃有姊三人

長封號國並承恩出入宮掖

遣悶

本相生子
直指君父
之非怨死
玉為之論

地闊平沙岸舟虛小洞房使塵來驛道城日
避烏檣暑雨留蒸濕江風借夕涼行雲星隱
見疊浪月光芒螢鑿綠帷徹蛛絲骨鬢長冷
不哀箏猶凭几鳴笛竟霑裳倚著如秦贅過
逢類楚狂氣衝看劍匣穎脫撫錐囊妖孽關
東臭兵戈隴右瘡時清疑武畧世亂踣文場
餘力浮于海端憂問彼蒼百年從萬事故國
耿難忘趙曰泊船近城日為城所障故云城
日遊烏檣此公之巧句也螢鑿者以

螢光可以照物也鄭曰晉音吠掛也洙曰賈
誼傳秦人家貧子壯則出贅論語楚狂接輿
晉張華見劍氣衝牛斗史記平原君曰士之
處世譬如錐之處囊中其末立見毛遂曰使
遂蚤得處囊中乃穎脫而出非特
其末而已謝莊月賦端憂多暇

江陵節度使陽城郡王新樓成王請

嚴侍御判官賦七字句同作鶴曰節

伯玉也

樓上炎天冰雪生高飛燕雀賀新成碧窻宿
霧濛濛濕朱栱浮雲細細輕杖鉞褰帷瞻具

美投壺散秩有餘清自公多暇延參佐江漢

風流萬古情脩可曰晉羊球登西樓賦云畫棟浮細細之輕雲朱拱濕濛濛

之飛雨王逸少見之愛羨竟日洙曰漢宗資為中郎將杖鉞將兵督州郡賈琮為冀州刺

史舊典傳車駟駕垂赤帷裳迎於州界及琮

之部升車言曰刺史當遠視廣聽糾察美惡

何有反垂帷裳以自掩塞乎乃命御者塞之

百城聞風震悚奈遵為將軍對酒設樂必雅

壺歌投

又作此奉御王

西北樓成雄楚都遠開山岳散江湖二儀清

濁還高下三伏炎蒸定有無出語如此江風

推轂幾年惟鎮靜曳裾終日盛文儒白頭授

簡焉能賦愧似相如為大夫洙曰漢馮唐傳

推轂曰闌以內寡人制之闌以外將軍制之

鄒陽傳公王之門不可曳長裾乎謝惠連雪

賦梁王遊於兔園授簡於司馬大夫曰為寡

人賦之漢藝文志登高能賦可以為大夫

江邊星月二首

驟雨清秋夜金波耿玉繩天河元自白江浦

向來澄映物連珠斷緣空一鏡升餘光憶更

漏況乃露華凝

洙曰謝玄暉詩金波麗鳩鵲

玉繩謂星也洙曰漢志五星如連珠

江月辭風纜江星別霧船雞鳴還曙色鷺浴

自晴川歷歷竟誰種悠悠何處圓客愁殊未

已他夕始相鮮

種謂星注引白榆繆但賦雜他語如何見是星月子美詩

每有此○洙曰古詩天上何所有歷歷種白榆

舟月對驛近寺

更深不假燭月朗自明船金刹青楓外朱樓

白水邊城烏啼眇眇野鷺宿娟娟皓首江湖

客鈎簾獨未眠

舟中

風餐江柳下雨卧驛樓邊結纜排魚網連檣

並米船今朝雲細薄昨夜月清圓飄泊南庭

老祗應學水仙

趙曰鮑照詩風餐委松栢雲卧恣天行南庭老公自謂也

南庭者猶北地謂之北庭耳鄭曰結字音係出漢書張釋之跪為王生結鞶注結讀曰係

秋日荆南述懷三十韻

昔承推獎分媿匪挺生材遲暮宮臣忝艱危
袞職陪揚鑣隨日馭折檻出雲臺罪戾寬猶
活干戈塞未開星霜玄鳥變身世白駒催伏
枕因超忽扁舟任往來九鑕巴噀火三蟄楚
祠雷望帝傳應實昭王問不迴蛟螭深作橫
豺虎亂雄猜素業行已矣浮名安在哉琴鳥
曲怨憤庭鶴舞摧頽秋水漫湘竹陰風過嶺
梅苦搖求食尾常曝報恩腮結舌防讒柄探

腸有禍胎

意甚苦

蒼茫步兵哭展轉仲宣哀飢

籍家家米

公自注籍入聲

愁徵處處盃休為貧士歎

任受衆人咤得喪初難識榮枯劃易該差池
分組冕合沓起蒿萊不必伊周地皆登屈宋
才漢庭和異域晉史圻中台霸業尋常體宗
臣忌諱災霸業尋常體謂出孫于羣公紛戮
力聖慮宵徘徊數見銘鍾鼎真宜法斗魁願
聞鋒鏑鑄莫使棟梁摧盤石圭多剪凶門轂

少推垂旒資穆穆祝網但恢恢赤雀翻然至
黃龍不假媒賢非夢傳野隱類鑿顏圯自古

江湖客冥心若死灰矯然而止。師曰唐六

置取詩袞職有闕惟仲山甫補之義以名

今公正言為拾遺時也。洙曰漢朱雲折檻詳

見後折檻行注。明帝圖畫功臣於南宮雲臺

趙曰廣雅玄鳥燕也。洙曰漢魏豹傳人生一

世如白駒之過隙。語。鑄。燧。改。火。漢。藥。巴。嘗。喫

酒以救蜀火。趙曰。月。令。仲。秋。之。月。雷。乃。收。聲

公以八月在夔在江陵是見雷之三月蟄矣楚

祠楚人祠祭也。希曰。公。自。入。蜀。至。下。峽。之。年

恰是九春。其中在夔三年耳。洙曰成都記望

帝死其魂化為杜鵑。左傳。齊桓公以諸侯之

師伐楚。真以爾貢包茅不入及昭王南征而

不復楚子使屈完對曰貢之不入寡君之罪

也。昭王南征而膠舟故溺死。趙曰。琴。奏。烏。夜。啼

南征至漢以膠舟故溺死。趙曰。琴。奏。烏。夜。啼

之曲而庭鶴為之舞也。洙曰。司。馬。子。長。報。任

少卿書猛虎在檻穿之中。搖尾而求食。秦記

龍門魚登者化為龍不登者點額曝腮而返

漢書結諫臣之舌又禍生有貽。晉阮籍為步

兵校尉痛哭途窮。漢高帝末王粲字仲宣以避難

流離作七哀詩。漢高帝末與匈奴結和親之約

晉張華傳中台星圻未幾華被害。鄭曰。宵。伊

鳥切。洙曰。漢紀高帝王子弟地犬牙相制所

謂盤石之宗也。史記成王與弟叔虞戲削桐

葉為珪。曰。以此封君。夢。弼。曰。淮。南。子。君。命。將

臣辭而行。乃瓜鬻設明衣。鑿曰。關。以。外。將。軍

馮唐傳古者命將號而推轂曰。關。以。外。將。軍

周

制之史記成湯見野張網乃令去其三面祝
曰欲左左欲右右不用命乃入吾網老子天
網恢恢春秋演孔圖曰鳥化為書孔子奉以
告天赤雀集書上化為黃玉趙曰遁甲曰赤
雀不見則國無賢注赤雀主銜書陽精也瑞
應圖曰黃龍四龍之長也王者不漉池而漁
則應和氣而遊於池沼此皆言祥瑞也夢弼
曰淮南子魯君欲相顏闔使人以幣先焉顏
闔鑿坑而遁揚雄解嘲云士或鑿坑以遁

江漢

江漢思歸客乾坤一腐儒片雲天共遠永夜
月同孤落日心猶壯秋風病欲蘇古來存老

馬不必取長途

古今詩話云楊大年不喜杜

詩強大年大年不服因曰公試為我續江漢
思歸客一句大年亦為屬對鄉人曰乾坤一
腐儒大年似少屈趙曰韓非子管仲隰朋從
相公伐孤竹返迷惑失道管仲曰老馬之智
可用也乃放老馬而隨之遂
得道焉公之意蓋以自喻也

遠遊

江闊浮高棟雲長出斷山塵沙連越嶺風雨
暗荆蠻鴈矯銜蘆內猿啼失木間弊裘蘇季
子歷國未知還夢符曰唐志越嶺劔南道也
洙曰國策蘇秦字季子說秦

王不行黑貂之裘弊

折檻行鶴曰此詩似為崔旰作也

度使是年四月

書公蓋深惜當

者夢弼曰漢成

張禹上怒令御

檻折後當治檻

以旌直臣故後

世殿

勿易因而輯之

下雲攀殿檻

朱雲上書乞斬

一人敢言

加檢校工部尚

書公蓋深惜當

時朝廷無一人

敢言

者夢弼曰漢成

子困泥塗白馬將軍若雷電千載少似朱雲

嗚呼房魏不復見秦王學士時難羨青襟胄

人至今折檻空嶙峋婁公不語宋公語尚憶

先皇容直臣宗為秦王開文學館有十八學

士鶴曰青襟胄子謂國子生也書命夔典樂

教胄子定功曰魏龐德常乘白馬與關羽戰

射羽中額羽軍謂之白馬將軍脩可曰左太

冲魏都賦階階嶙峋注高也容齋二筆云杜

詩折檻行千載少似朱雲人至今折檻空嶙

峋婁公不語宋公語尚憶先皇容直臣此篇

七集卷八

七

吳

不可
曉
秋
日
荆
南
送
石
首
薛
明
府
辭
滿
告
別
奉
薛
尚
書
頌
德
叙
懷
斐
然
之
作
三
十
韻
鶴曰石首江陵屬邑也薛尚書景仙也按史永泰大曆間吐蕃再遣使者來聘以戶部尚書薛景仙往報
南
往
為
客
久
西
候
別
君
初
歲
滿
歸
鳧
舄
秋
來
把
鴈
書
荆
門
留
美
化
姜
被
就
離
居
聞
道
和
親
入
垂
名
報
國
餘
連
枝
不
日
並
八
座
幾
時
除
往

者
胡
星
孛
恭
惟
漢
網
踈
風
塵
相
瀕
洞
天
地
一
丘
墟
殿
瓦
鴛
鴦
圻
宮
簾
翡
翠
虛
鉤
陳
摧
徼
道
槍
纍
失
儲
胥
文
物
陪
巡
狩
親
賢
病
拮
据
公
時
呵
猊
猶
首
唱
却
鯨
魚
勢
愜
宗
蕭
相
材
非
一
范
睢
公自注秦拜范睢為客卿卒聽其謀使五大夫縮伐魏拔懷其相秦也東伐韓少曲高平拔之又以其謀縱反間於趙趙以馬服子代廉頗大破趙於長平皆范睢之謀故以比諸
屍
填
太
行
道
血
走
浚
儀
渠
淦
口
師
仍
會
函
關
憤
已
攄
紫
微
臨
大
角
皇
極
正
乘
輿
乘輿平聲

如諒闇唐賞從頻峨冕殊恩再直廬公自注

人多此類金吾新授羽林前後二將軍豈惟高衛霍曾是接應徐降

集翻翔鳳追攀絕衆狙侍臣雙宋玉戰策兩

穰苴鑿澈勞懸鏡荒蕪已荷鋤嚮來披述作

公自注石首處重此憶吹噓白髮甘凋喪青

雲亦卷舒經給功不朽跋涉體何如公自注

使和吐蕃應訝耽湖橘常餐占野蔬十年嬰

藥餌萬里狎樵漁揚子淹投閣鄒生惜曳裾

但驚飛熠燿不記改蟾蜍煙雨封巫峽江淮

略孟諸歷落語然湯池雖險固遼海尚填淤

努力輸肝膽休煩獨起予趙曰西候秋日也

書謂明府得薛尚書音問也洙曰漢姜肱兄

弟三人友愛嘗同被而寢唐以六尚書左右

僕射合為八座趙曰胡星指言祿山也洙曰

鄴都銅雀臺皆鴛鴦瓦西京雜記有翡翠簾

趙曰魏文帝夢殿屋兩瓦墜地化為鴛鴦洙

曰班孟堅西都賦周以勾陳之位又徽道綺

土集卷八

三

文

為京觀夢弼曰漢書蕭何為一代之宗臣此
以比郭令公洙曰太行山在河北浚儀渠汴
河也夢弼曰滏扶甫切光黃之間水名言尚
書公督諸郡節度兵會於滏口也洙曰晉天
文志大角星名天王座也左傳晉侯賞從亡
者夢弼曰以漢衛青霍去病比其武功以魏
應德璉徐公幹比其文學也趙曰翔鳳喻其
兄弟也洙曰眾狙出莊子史記穰苴有司馬
兵法誠齋詩話云有用文語為詩句者尤工
杜云侍臣雙宋玉戰策兩穰苴蓋用如六五
帝四三王洙曰湖橋潭州有橋洲也投閣曳
裾注見前熠燿螢火也蟾蜍謂月也夢弼曰
爾雅十數宋有孟諸注今在梁國此乃公追
言梁宋之舊遊也趙曰遼海指幽燕漢志注
填淤壅泥也

哭李尚書之芳鶴曰尚書唐宗室也
山反自投歸京師廣德初使吐蕃被
留二年乃得歸拜禮部尚書改太子
賓客
薨

漳濱與蒿里逝水竟同年欲挂留徐劔猶迴

憶戴船傷極是痛相知成白首此別間黃泉風雨

嗟何及江湖涕泫然容易沉著修文將管輅奉使

失張騫史閣行人在詩家秀句傳客亭鞍馬

絕旅櫬網蟲懸復塊昭丘遠歸魂素漉偏樵

蘇封葬地喉舌罷朝天秋色凋春草王孫若

箇邊洙曰劉公幹詩余嬰沉痾疾竄身清漳

漢書注蒿里死人里也洙曰吳季札聘魯過

徐徐君好季札劍口不敢言札心知之為使

上國未獻還至徐徐君已死札乃解其劍繫

之冢樹而去世言顏回卜商為地下修文郎

趙曰管輅見魏志方技傳夢彌曰奉使失張

騫謂李之芳廣德間嘗使吐蕃按公秋日獲

府詠懷百韻末云途中非阮籍查上似張騫

亦為李之芳而言也洙曰周禮秋官有大行

人小行人禮記骨肉歸復于土王粲登樓賦

西接昭丘注楚昭王墓也趙曰滄水名在長

安潘安仁西征賦地有玄灞素滄洙曰後漢

李固應詔對曰陛下之有尚書猶天之有北

重題

涕灑不能收哭君餘白頭兒童相顧盡宇宙

此生浮所悵然何江雨銘旌濕湖風井逕秋還

瞻魏太子賓客減應劉公自注公歷禮部尚

洙曰蕪城賦歌曰邊風起兮城土寒井逕戚

兮丘隴殘趙曰魏文帝為太子時應瑒劉楨

並見友善洙曰文帝與吳質書昔年疾疫親

獨坐

故罹其灾徐陳應劉一時俱逝痛可言耶

悲秋回白首倚杖背孤城江歛洲渚出天虛

風物清滄溟服衰謝朱紱負平生仰羨黃昏

鳥投林羽翮輕殊曰一本一作滄溟恨衰謝趙

紱朱賦太子賓客賦秋澄

此主致哭李常侍嶧二首

一代風流盡修文地下深斯人不重見將老

失知音自是短日行梅嶺寒山落桂林長安

若箇畔猶想映貂金猶有餘韻○趙曰短日

李常侍之襯自廣南來也梅嶺今南安軍桂林今靜江府鶴曰唐志左右散騎常侍隸門

下中書省皆金蟬珥貂

青瑣陪雙入銅梁阻一辭風塵逢我地江漢

哭君時可次第尋書札呼兒檢贈詩假發揮

王子表不愧史臣詞洙曰青瑣謂省中門也

前漢書有王子侯表李山賀高相宴王使君宅題二首

常侍乃宗室之子也

漢主追韓信蒼生起謝安吾徒自飄泊世事

各艱難逆旅招邀近他鄉意緒寬不才甘朽

質高卧豈泥蟠洙曰漢高帝入關諸將道亡

追之晉謝安桓温請為司馬將發高崧戲之

曰卿屢違朝旨高卧東山諸人每相與言安

石不出將如蒼生汎愛容霜鬢留歡十夜闌自吟詩送老相勸

酒開顏戎馬今何地鄉園獨在山江湖墮清

月醪酏任扶還

久客

羈旅知交態淹留見俗情衰顏聊自哂小吏
最相輕去國哀王粲傷時哭賈生狐狸何足

道豺虎正縱橫洙曰漢書翟公書其門曰一

擾亂王粲去而依劉表於荊州賈誼文帝時

上政事疏云可為哭痛者一張網傳豺狼當

路安問

狐狸

集千家註杜工部詩集卷之十八

集千家註杜工部詩集卷之十八

此野

上知事論云何為哭辭當一悲辭也

黃穆武王樂志

是時野去國外王樂新

歸於交頌

集千家註杜工部詩集卷之十九

舟中出江陵南浦奉寄鄭少尹審

鶴

時公自江陵移居公安公安在江陵之南故云南浦也時鄭審為江陵少

尹。大曆三年秋公安縣作

更欲投何處飄然去此都形骸元土木舟楫

復江湖社稷纏妖氣干戈送老儒

此送字氣味別如送

葬之送甚可傷也百年同棄物萬國盡窮途雨洗平

沙淨天銜闊岸紆鳴蜩隨汎梗別燕赴秋菰

見魚鯁有
相濡以沫
魚銜鈎取
移文竊吹
齊桓公無
公聞之命
璞以獻厲
其左足及
其右足文
王即位乃
抱其璞哭
於楚山下

棲託難高卧飢寒迫向隅寂寥相响沫浩蕩
報恩珠溟漲鯨波動衡陽鴈影徂南征問懸
榻東逝想乘桴濫竊商歌聽時憂卞泣誅經
過憶鄭驛斟酌旅情孤與處於陸相响以濕
相濡以沫潘岳關中記漢武帝遊昆明池見
魚銜鈎取其鈎放之其後魚銜珠以報北山
移文竊吹草堂濫巾北岳淮南子竊戚欲干
齊桓公無以自達於是擊牛角而疾商歌桓
公聞之命後車載歸韓非子楚人和氏得玉
璞以獻厲王使相之石也王以為詐刑
其左足及武王即位乃抱其璞哭於楚山下
其右足文王即位乃抱其璞哭於楚山下

漢書鄭莊置驛
馬請謝賓客

移居公安山館

魯曰公安縣屬江陵府吳太帝推蜀先主

為左將軍荆州牧鎮沔口時人號備為左公因名曰公安

南國晝多霧北風天正寒路危行木杪身遠
宿雲端山鬼吹燈滅厨人語夜闌雞鳴問前
館世亂敢求安

官亭夕坐戲簡顏十少府

鶴曰顏乃公安尉也

南國調寒杵西江浸日車客愁連蟋蟀亭古

帶兼葭不返青絲鞵虛燒夜燭花老翁須地
主細細酌流霞趙曰庾信夜聽搗衣詩調聲不用吟

醉歌行贈公安顏少府請顧八題壁

鶴曰即顧八分文學

神僊中人不易得柱一句顏氏之子才孤標天

馬長鳴待駕馭秋鷹整翮當雲霄君不見東

吳顧文學公自注顧君不見西漢杜陵老詩

家筆勢君不嫌詞翰升堂為君掃是日霜風

凍七澤烏蠻落照銜赤壁酒酣耳熱忘頭白

感君意氣無所惜一為歌行歌主客鶴曰神

正以顏為尉而言也漢梅福尉南昌後得仙今稱仙尉本此洙曰杜陵漢宣帝陵在長安即公之鄉也子虛賦楚有七澤夢弼曰蜀雋州嵩山地接諸蠻部有烏蠻白蠻赤壁在鄂州趙曰主則顏少府客則公與顧也

移居公安敬贈衛太郞鈞

衛侯不易得余病汝知之故有狂態雅量涵高遠

清襟照等夷平生感意氣少小愛文辭河海

由來合風雲若有期形容勞宇宙質朴謝軒
墀自古幽人泣流年壯士悲水煙通徑草秋
露接園葵入邑豺狼鬪傷弓鳥雀饑白頭供
宴語烏几伴棲遲交態遭輕薄今朝豁所思
趙曰質朴謝軒墀言不復仕於朝也

公安送韋二少府匡贊

逍遙公後世多賢送爾維舟惜此筵念我能
書數字至將詩不必萬人傳時危兵甲黃塵

裏日短江湖白髮前古往今來皆涕淚斷腸

分手各風煙

語各矜重。田曰北史韋夔養高不仕周明帝號之曰逍遙公

唐宰相世系表韋氏九房以夔之後為逍遙公房嗣立之後為小逍遙公房洙曰能書一作常能鶴曰按史是年秋吐蕃入寇京師戒嚴

贈虞十五司馬

遠師虞秘監

公自注世南

今喜識玄孫形象丹青

逼家聲器宇存淒涼憐筆勢浩蕩問辭源爽
氣金天豁清談玉露繁佇鳴南嶽鳳欲化北

溟鯤交態知浮俗，儒流不異門。過逢連客位，
 日夜倒芳樽。沙岸風吹葉，雲江月上軒。百年
 嗟已半，四座敢辭喧。書籍終相與，青山隔故
 園。洙曰：董仲舒有玉杯繁露。劉公幹詩：鳳凰
 集南嶽，徘徊孤竹根。莊子：北溟有魚，其名
 為鯤，化而為鳥，其名為鵬。沈休文詩：客位紫
 苔生。夢弼曰：魏志：蔡邕，竒王粲，聞其至門，倒
 屣迎之。一座盡驚。邕曰：此王公孫也。有
 異才，吾不如也。吾家書籍盡當與之。

公安縣懷古

野曠呂蒙營，江深劉備城。寒天催日短，風浪

與雲平。

語有氣格過公安時景耳。

灑落君臣契，飛騰戰伐

名。維舟倚前浦，長嘯一含情。

鄭曰：吳孫權封呂蒙為孱陵侯。

即公安。在漢為孱陵縣。魯曰：先主為荊州牧，治公安。趙曰：灑落君臣契，謂先主與孔明也。

呀鵲行

病鶻孤飛俗眼醜，每夜江邊宿。衰柳清秋落
 日已，側身過鴈歸。鷗錯迴首緊，腦雄姿迷所
 向。踈翮稀毛不可壯，彊神迷復阜。鵬前俊才
 早在蒼鷹上，風濤颯颯寒山陰。熊羆欲螫龍

蛇深念爾此時有一擲失聲濺血非其心

同親隔公安送李二十九弟晉肅入蜀余下

日夢弼曰晉肅即李賀之父鶴曰沔鄂公以是年冬發公安至岳陽

正解柴桑纜仍看蜀道行檣烏相背發塞鴈

一行鳴南紀連銅柱西江接錦城憑將百錢

卜飄泊問君平可念。洙曰柴桑里在江州

城成都府也趙曰漢嚴君平賣卜於成都

市日閱數人得百錢足自養則閉肆下簾

北風

北風破南極朱鳳日威垂洞庭秋欲雪鴻鴈

將安歸十年殺氣盛六合人煙稀吾慕漢初

老時清猶茹芝甚自重。趙曰漢初老謂四

皓避秦至漢與猶隱而不出

憶昔行

憶昔北尋小有洞洪河怒濤過輕舸辛勤不

見華蓋君良岑青輝慘么麼千崖無人萬壑

靜三步回頭五步坐秋山眼冷魂未歸仙賞

心違淚交墮亦懇款弟子誰依白茅室盧老

獨啓青銅鎖巾拂香餘搗藥塵階除灰死燒

丹火玄圃滄洲莽空闊金節羽衣飄婀娜落

日初霞閃餘映倏忽東西無不可恍惚松風

澗水聲合時青兕黃熊啼向我岑寂語四

容之徒然咨嗟撫遺跡至今夢想仍猶左祕

訣隱文須內教教平晚歲何功使願果更討

衡陽董鍊師南遊早鼓瀟湘拖此憶昔與昔

趙曰公昔遊詩云昔謂華蓋君綠袍崑玉

脚人棺已上天白日亦寂寞暮升良岑頂巾

几猶未却詳考二詩之意蓋公遊王屋山時董在東

謂華蓋君適值君已化鶴曰董鍊師即昔遊

詩所謂董先生者方公遊王屋山時董在東

蒙今在衡嶽范元實詩眼云昔常問山谷耕

田欲雨刈欲晴去得順風來者怨山谷云不

如千崖無人萬壑靜三步回頭五步坐蓋七

言詩四字三字作兩節也此句法出黃庭經

送顧八分文學適洪吉州

定留人肯別耶定留人耶

中郎石經後八分蓋憔悴顧侯運鑪錘筆力
破餘地昔在開元中韓蔡同鼎爨玄宗妙其
書是以數子至御札早流傳揄揚非造次自公
註明皇師韓擇木嘗於三人並入直恩澤各
彩牋上八分書賜張說不二顧於韓蔡內辨眼工小字分日示諸玉
鉤深法更秘文學與我遊蕭疎外聲利追隨
二十載浩蕩長安醉高歌卿相宅文翰飛省
寺視我揚馬間白首不相棄驂騑入窮巷必

脫黃金轡一論朋友難遲暮敢失墜古來事
反覆相見橫涕泗嚮者玉珂人誰是青雲器
才盡傷形體病渴汚官位故舊獨依然危時
話顛躓我甘多病老子負憂世志胡爲困衣
食顏色少稱遂遠作苦辛行順從衆多意舟
楫無根蒂蛟鼉好爲祟况兼水賊繁特戒風
颯駛崩騰戎馬險往往殺長吏子于東諸侯
勤勉防縱恣邦以民爲本魚飢費香餌請哀

瘡痍深告訴皇華使使臣精所擇進德知歷

試惻隱誅求情固應賢愚異烈士惡苟得俊

傑思自致贈子猛虎行出郊載酸鼻卒不知

○洙曰後漢蔡邕為中郎將熹平中表求正

定六經文字靈帝許之邕乃書冊於碑使工

鐫刻立於太學門外西京記正觀中得邕石

經數板皆八分書韓蔡韓擇木蔡有鄰善入

分開元時人東觀餘論云顧侯運鑪錘筆力

破餘地昔在開元中韓蔡同顧侯運鑪錘筆力

顧誠奢也觀其遺蹟乃知子美弗虛稱之耳

碑首倒鑿亦自奇古不獨八分可賞云脩可

曰韻書龔龔壯士作力貌師曰書苑明皇工

八分章草豐茂奇特張說為麗正殿學士獻

詩明皇於彩牋上八分書讚曰德重和鼎功

逾濟川詞林秀發翰苑光鮮所謂御札流傳

者此也洙曰顧於韓蔡內辨眼工小字謂八

分外尤能小字也師曰辨眼謂於字中號明

眼者玉珂車馬之飾也顏延年五君詠仲容

青雲器洙曰才盡字如江淹人謂才盡汚字

如漢書李尋云久汚玉堂之署此乃公自叙

也鶴曰崩騰戎馬險往往殺長吏按史吐蕃

寇邠靈州又商州兵馬使劉洽殺殷仲卿幽

州兵馬使朱希彩殺節度使李懷仙皆是年

也東諸侯者自長安言之洪吉在東也又言

皇華使蓋洪在唐乃西道採訪使所治洙曰

樂府陸士衡猛虎行渴不飲盜泉水熱

息惡木陰惡木豈無枝志士多苦心

留別公安太易沙門

隱居欲就廬山遠麗藻初逢休上人數問舟
航留製作長開篋筥擬心神沙村白雪仍含
凍江縣紅梅已放春先踏鑪峯置蘭若徐飛
錫杖出風塵洙曰晉惠遠師居廬山僧惠
休姓湯能詩廬山有香爐峯
曉發公安數月憩息此縣
北城擊柝復欲罷東方明星亦不遲鄰雞野
哭如昨日物色生態能幾時舟楫眇然自此
去江湖遠適無前期出門轉眄已陳迹藥餌

扶吾隨所之

歲晏行

歲云暮矣多北風瀟湘洞庭白雲中漁父天
寒網罟凍莫徭射鴈鳴桑弓去年米貴闕軍
食今年米賤大傷農高馬達官厭酒肉此輩
杼柚茅茨空楚人重魚不重鳥汝休枉殺南
飛鴻况聞處處鬻男女割慈忍愛還租庸往
日用錢捉私鑄今許鉛錫和青銅刻泥爲之

最易得好惡不合長相蒙萬國城頭吹畫角

此曲哀怨何時終首尾痛徹。子美晚年詩

本說射鴈隔數句後方出汝字應前未了復說時事因及私鑄未了終以畫角老人語態

不可拘以常格得以此失以此山谷專主此

等流弊至不可讀亦不得以此為戒也。○定

功曰隋地理志長沙郡雜有夷蠻名曰莫徭

自言其先祖有功常免徭役故以為名。洙曰

唐制授人以口分世業田凡授田者丁歲納粟稻謂之租用人之力不過二十日不役者

日為縮三尺為之庸又唐制盜鑄者死沒其家屬至天寶間盜鑄益甚雜以鉄錫無復錢

形號公鑄者為官爐錢。○夢弼曰刻泥謂刻泥作模也

發劉郎浦鮑曰十道志劉郎浦在荆

州先主納吳女處也。呂温詩云吳蜀成婚此水潯珍珠步障幄

黃金誰將一女輕天下欲換劉郎鼎

峙心

挂帆早發劉郎浦疾風颯颯昏亭午舟中無

日不沙塵岸上空村盡豺虎十日北風風未

迴客行歲晚尤相催白頭厭伴漁人宿黃帽

青鞋歸去來沈曰黃帽乃籜冠

別董頴青鞋乃芒鞋也

窮冬急風水逆浪開帆難士子甘旨闕不知
道里寒有求彼樂土南適小長安別我舟楫
去覺君衣裳單素聞趙公節兼盡賓主歡已
結門閭望無令霜雪殘老夫纜亦解脫粟朝
未餐飄蕩兵甲際幾時懷抱寬漢陽頗寧靜
峴首試考槃當念着白帽采薇青雲端（夢弼曰）孝
子薦其甘旨此謂董頰有母也趙曰小長安
鄧州也見光武紀注趙公必鄧州守也門廬
望用戰國策齊王孫賈之母謂賈曰汝朝出
而晚來則吾倚門而望汝暮出而不還則吾

倚問而望（夢符曰）漢書公孫弘食一肉脫
粟飯（鶴曰）漢陽峴首乃適鄧之所經行也

幽人

孤雲亦羣遊神物有所歸麟鳳在赤霄何當
一來儀往與惠詢輩中年滄洲期天高無消
息棄我忽若遺內懼非道流幽人見瑕疵洪
濤隱語笑鼓枻蓬萊池崔嵬扶桑日照耀珊
瑚枝風帆倚翠蓋暮把東皇衣嚙漱元和津
所思煙霞微知名未足稱局促商山芝五湖

復浩蕩歲暮有餘悲（夢弼曰麟疑作靈趙曰南史寶誌見徐陵曰天

上石麒麟也則麟亦可言在赤霄矣歐公曰

惠詢輩謂惠遠許詢也夢弼曰見一作在孝

祥曰中黃經但服元和謂咽津液師曰按唐史拾

其錄注云服元和謂咽津液師曰按唐史拾

遺惠昭荀珣與甫友善常以

詩倡酬故子美此詩思之也

泊岳陽城下（鶴曰岳州也居天岳山陽故曰岳陽

江國踰千里山城僅百層岸風翻夕浪舟雪

灑寒燈留滯才難盡艱危氣益增（實歷語別圖南

未可料變化有鯤鵬（洙曰太史公留滯周南趙曰史記懦夫增氣洙

曰鸚鵡之圖南見莊子

官 纜船苦風戲題四韻奉簡鄭十三判

東岸朔風疾天寒鶴鵠呼漲沙霾草樹舞雪

渡江湖吹帽時時落維舟日日孤因聲置驛

外為覓酒家壚（趙曰漢書鄭莊置驛請謝實客此簡鄭判官故云然洙曰

漢書文君當爐注賣酒之處累土為爐以居酒瓮形如銀爐

登岳陽樓

昔聞洞庭水今上岳陽樓吳楚東南坼乾坤

日夜浮氣壓百代為五言雄渾之絕下親朋

無一字老病有孤舟戎馬關山北憑軒涕泗

流趙曰戰國策吳起對魏武侯曰昔者三苗錄云過岳陽樓觀子美詩不過四十字耳氣

象閑放涵蓄深遠殆與洞庭爭雄所謂富哉

言乎太白退之輩率為大篇極其筆力終不逮也

奉送魏六丈佑少府之交廣

賢豪贊經綸功成空名垂子孫不振耀歷代

皆有之鄭公四葉孫長大常苦飢眾中見毛

骨猶是麒麟兒磊落貞觀事致君樸直詞家

聲蓋六合行色何其微遇我蒼梧陰忽驚會

面稀議論有餘地公侯來未遲虛思黃金貴

自笑青雲期長卿久病渴武帝元同時季子

黑貂弊得無妻嫂欺尚為諸侯客獨屈州縣

卑南遊炎海甸浩蕩從此辭窮途仗神道世

亂輕土宜解帆歲云暮可與春風歸出入朱

門家華屋刻蛟螭玉食亞王者樂張游子悲
 侍婢豔傾城綃綺輕霧霏掌中琥珀鍾行酒
 雙透迤新歡繼明燭梁棟星辰飛兩情顧眄
 合珠碧贈於斯上貴見肝膽下貴不相疑心
 事披寫間氣酣達所為錯揮鐵如意莫避珊
 瑚枝殆自道其平生始兼逸邁興終慎賓主
 儀戎馬闔天宇嗚呼生別離洙曰鄭公魏徵
幼時嵇康異之謂人曰琅琊王毛骨非常麟
 兒注見前洙曰貞觀太宗年號時鄭公輔政

多所獻替行色謂魏佑之交廣也莊子車馬
 有行色鶴曰蒼梧山在道州今云蒼梧陰則
 在潭岳也洙曰司馬相如傳武帝讀子虛賦
 而善之曰朕獨不得與此人同時哉國策蘇
 秦說秦王不行黑貂之裘弊大困而歸至家
 妻不下紕嫂不為炊趙曰長卿季子皆以比
 魏佑師曰輕上宜謂去鄉土也洙曰書惟辟
 玉食夢符曰博雅碧玉也子虛賦錫碧金銀
 洙曰晉書石崇與王愷爭豪武帝助愷以珊
 瑚樹賜之高三尺許愷以示崇崇便以鐵如
 意擊之應手而碎

冬晚送長孫漸舍人歸州

參卿休坐幄蕩子不歸鄉南客瀟湘外西戎

郭杜傍衰年傾蓋晚費日繫舟長會面思來
札銷魂逐去檣雲晴鷗更舞風逆鴈無行匣

裏雌雄劍吹毛任選將

趙曰參卿公自言也以嘗為節度參謀耳

希曰漢書運籌帷幄之中故用坐幄字洙曰古詩蕩子行不歸鄆縣杜陵俱在長安鶴曰西戎郭杜傍是年吐蕃寇邠靈州京師戒嚴洙曰鄆陽傳傾蓋如故夢弼曰吳越春秋干將莫耶之劍能決吹毛遊塵

陪裴使君登岳陽樓

大曆四年春岳陽作

湖闊兼雲霧樓孤屬晚晴

遠近濃淡著色有情

禮加徐

孺子詩接謝宣城雪岸叢梅發春泥百草生

敢違漁父問從此更南征

洙曰後漢徐穉字孺子豫章太守陳蕃不接賓客唯見穉來特設一榻去則懸之

南史謝玄暉長五言詩嘗為宣城郡太守史記楚屈原放逐行吟澤畔顏色憔悴漁父見而問之離騷濟沅湘以南征

送重表姪王砮評事使南海

鄭曰砮理蜀切

水深至心曰砮今作厲此古深則厲厲字也非今作厲

我之曾老姑爾之高祖母爾祖未顯時歸為

此首送語

平流惜其

叙事而採

流去徒朝
末為正身
心為正身
書特書則
湮沒矣目
錄之

尚書婦隋朝大業末房杜俱交友長者來在
門荒年自餬口家貧無供給客位但箕箒俄
頃羞頗珍寂寥人散後入怪鬢髮空吁嗟為
之久自陳翦髻鬢鬻市充盃酒上云天下亂
宜與英俊厚向竊窺數公經綸亦俱有次問
最少年虬髯十八九子等成大名皆因此人
手下云風雲合龍虎一吟吼願展丈夫雄得
辭兒女醜秦王時在坐真氣驚戶牖及乎貞

觀初尚書踐台斗夫人常肩輿上殿稱萬壽
六宮師柔順法則化妃后至尊均嫂叔盛事
垂不朽鳳雛無凡毛五色非爾曹往者胡作
逆乾坤沸嗷嗷吾客在馮翊爾家同遁逃爭
奪至徒步塊獨委蓬蒿逗留熱爾腸十里却
呼號自下所騎馬右持腰間刀左牽紫遊韁
飛走使我高荀活到今日寸心銘佩牢亂離
又聚散宿昔恨滔滔水花笑白首春草隨青

袍廷評近要津節制收英髦北驅漢陽傳南
泛上瀧舫家聲肯墜地利器當秋毫番禺親
賢領籌運神功操大夫出盧宋寶貝休脂膏
洞主降接武海胡舶千艘我欲就丹砂跋涉
覺身勞安能陷糞土有志乘鯨鼈或驂鸞騰
天聊作鶴鳴臯鸞比王鶴自喻○西清詩話
氏嘗云子必貴但未見汝與遊者珪一日引
房玄齡杜如晦過之母曰汝貴無疑所載止
此質之少陵詩乃珪之母杜氏非盧氏也能
識真主於側微尤偉甚少陵詩上下詳諦如

此史乃失之世號詩史信矣桐江詩話云西
清詩話辨王珪母姓杜不姓盧乃珪之妻非母也
證今觀其詩不特不姓盧乃珪之妻非母也
史氏之訛如此容齋隨筆云觀此詩疑指王
珪珪相唐太宗贈禮部尚書然細考之史大
不合蔡條詩話引唐列女傳珪母盧氏識房
杜必貴質之此時則珪母乃杜氏也桐江詩
話不特不姓盧乃珪之妻非母也予按唐列
女傳元無此事珪傳末只云始隱居時與房
玄齡杜如晦善三人過其家母李窺之知其
必貴蔡說妄云有傳又誤以李為盧皆不足
辨但唐高祖在位日太子建成與秦王不睦
以權相傾珪為太子中允說建成曰秦王功
蓋天下中外歸心殿下但以長年位居東宮
無大功以鎮服海內今劉黑闥散亡之餘宜
自收之以取功名建成乃請行其後楊文幹

之事起高祖責以兄弟不睦歸罪珪等而流
殿長孫無忌曰王珪魏徵昔為仇讎不謂今
日得同此宴上曰珪徵盡心所事我故用之
然則珪與太宗非素交明矣唐書載李氏事
亦采之小說太宗未必然而杜公稱其祖姑事
不應不實且太宗時宰相別無姓王者真不
可曉也夢弼曰王珪母李氏珪之婦杜氏詩
中所稱則皆指李氏也馮翊郡同州也水花
言水浪也洙曰哀江南賦青袍如草希曰漢
宣帝於廷尉置左右評真四人魏晉以來直
謂之廷尉尉見六典註趙曰節制收英髦言
南海節度使幕中需賢材也洙曰唐制鄂州
有漢陽縣傳張戀切傳車也如今之乘驛是
矣鄭曰瀧音雙舸音刀趙曰嶺南人呼急湍
為瀧夢弼曰集韻瀧水名在嶺南韓昌黎瀧

吏詩南行逾六旬始下昌樂瀧鄭曰番禺廣
州也本二山名番禺何切禺音愚趙曰番禺
親賢領必宗室之子為節度也鶴曰按史時
李勉為廣州刺史嶺南節度使趙曰舊唐書
盧真為南海太守自言開元以來廣府節度
使清白者有四裴由先李朝隱宋璟及真也
寶貝休脂膏謂廉潔而不污於貨利也漢孔
奮清潔身處脂膏而未嘗自潤廣南有溪洞
蠻其長謂之洞主降戶江切禮記堂上接武
番禺雜錄船大船也番商遠國運奇貨非船
不可船摠名曰艘猶今言幾隻也洙曰
晉葛洪聞交趾出丹砂求為勾漏令

過南嶽入洞庭湖

鶴曰時正月公自岳陽之潭州

洪波忽爭道岸轉異江湖鄂渚分雲樹衡山

通篇終
練高樓

張翰歸吳
即思舊事

此言以倚
薄言

引舳舻終勝寒儉翠牙穿裊蔣碧節吐寒蒲病渴

身何去春生力更無比他人言衰又甚矣壤童犁雨雪

漁屋架泥塗歌側風帆滿微冥水驛孤悠悠

回赤壁浩浩略蒼梧帝子留遺恨曹公屈壯

圖聖朝光御極殘孽駐艱虞才淑隨廝養名

賢隱鍛鑪邵平元入漢張翰後歸吳莫怪啼

痕數危檣逐夜鳥洙曰鄂渚在江夏西黃鶴磯上楚詞乘鄂渚而返顧

鄭曰說文舳舟尾舳舟前也趙曰蔣舊作槩詳詩意乃拔蔣之蔣蓋蒲有節而蔣有牙也

夢弼曰王荆公本作蔣洙曰帝子舜之二妃

從舜南巡不返道死沅湘之間曹公曹操也

以舟師敗吳於赤壁趙曰殘孽謂吐蕃也洙

曰漢蒯通傳隨廝養之役者失萬乘之權注

廝取薪者養養人者也趙曰晉書嵇康居貧

嘗與向秀共鍛於柳樹之下洙曰蕭何傳韓

信謀反呂后用何計誅信高祖使使拜何為

相國益封五千戶衛邵平者故秦東陵侯謂

何曰禍自此始矣願君謝封不受

宿青草湖鶴曰青草湖與洞庭湖相連在岳州

洞庭猶在目青草續為名宿槩依農事郵籤

報水程寒水爭倚薄雲月遞微明湖鴈雙雙

上集卷之九

三

沈云

起人來故北征趙曰所以隱棹曰槩楚人於湖中種田故宿槩依之也郵籤謂漏籌舟中所用以知時也

宿白沙驛

公自注初過湖南五里

水宿仍餘照人煙復此亭驛邊沙舊白湖外草新青萬象皆春氣孤槎自客星隨波無限好的的近南溟

上水遣懷

我衰太平時身病戎馬後蹭蹬多拙爲安得

老醜自嘆
教見石麟
矣

不皓首驅馳四海內童稚日餬口但遇新少年少逢親舊友低顏下色地故人知善誘後生血氣豪舉動見老醜窮迫挫曩懷常如中風走一紀出西蜀于今向南斗孤舟亂春華暮齒依蒲柳冥冥九疑葬聖者骨已朽蹉跎陶唐人鞭撻日月久中間屈賈輩讒毀竟自取鬱沒二悲魂蕭條猶在否茜翠清湘石逆行雜林藪篙工密逞巧氣若酣盃酒譎謳互

激遠回幹明授受善知應觸類各藉穎脫手

古來經濟木何事獨罕有蒼蒼衆色晚熊挂

玄蛇吼黃羆在樹顛正為羣虎守羸骸將何

適履險顏益厚庶與達論者吞聲混瑕垢左傳

餽其口於四方鄭曰中陟仲切洙曰朱叔元

與彭寵書伯通猶中風狂走自捐盛時鶴曰

公以天寶十四載冬避亂長安自關隴入

蜀至大曆三年春出峽恰一紀非謂在蜀一

紀而始出也洙曰山海經蒼梧之川其中

有九疑山舜所葬之處也陶唐帝堯氏也其

民淳朴無知至治之世也脩可曰屈原沒汨羅

賈誼謫長沙皆以被讒毀而廢黜也鄭曰舊

音酋萃蒼沒切酋萃山峻貌趙曰觀篙工之

逞巧回幹如此善知者應觸類以推之於他

事莫不各有穎脫之手而求占來經濟之才

如操舟之妙者何獨罕有乎詩疏熊能攀緣

上高樹見人則顛倒投地而下柳子厚作熊

說云鹿畏羆羆畏虎虎畏羆觀公詩意以羆

湘夫人祠

肅肅湘妃廟空墻碧水春蟲書玉佩蘇燕舞

翠帷塵晚泊登汀樹微馨借渚蘋蒼梧恨不

淺染淚在叢筠趙曰博物志舜死湘妃

虎在樹而守
虎明矣

祠南夕望

百丈牽江色孤舟泛日斜興來猶杖屨目斷
更雲沙山鬼迷春竹湘娥倚暮花湖南清絕
地萬古一長嗟洙曰百丈牽船索也連竹為之

遣遇

磬折辭主人開帆駕洪濤春水滿南國朱崖
雲日高舟子廢寢食飄風爭所操我行匪利
涉謝爾從者勞石間采蕨女鬻菜輸官曹丈

飄風颶風颶風能覆舟故舟人爭操手也

夫死百役暮返空村號聞見事畧同刻剥及
錐刀貴人豈不仁視汝如莠蒿索錢多門戶
喪亂紛嗷嗷奈何黠吏徒漁奪成逋逃自喜
遂生理花時貰緼袍洙曰莊子漁父篇曲腰磬折朱崖南海地名漢賈捐之罷擊朱崖鄭曰即潭州之丹崖也趙曰左傳錐刀之末洙曰漁奪謂侵奪如漁獵然不以法也鄭曰貰侍夜切貸也

解憂

減米散同舟路難思共濟言外向來雲濤盤

公自注雲濤盤灘名極為險阻衆力亦不細呀坑瞥眼過飛
安危分明曩賢計茲理庶可廣拳拳期勿替
鄭曰呀虛加切趙曰呀坑者坑如口之呀開也夢弼曰坑一作坑呀坑乃灘口也東坡曰讀子美減米散同舟之句則可以振貪懦於百世之下也又曰杜甫詩固無敵然自致遠已下句真村陋也世人雷同不復譏評過矣然亦不能掩其美也

宿鑿石浦

早宿賓從勞仲春江山麗飄風過無時舟楫

不敢繫回塘澹暮色日沒衆星嘒缺月殊未
生青燈死分翳極明滅之態窮途多俊異亂
世少恩惠鄙夫亦放蕩草草頻卒歲斯文憂
患餘聖哲垂豕繫此豕繫亦何當殆膚引耳趙曰易繫辭作易者其
有憂患乎

早行

歌哭俱在曉興到險語行邁有期程孤舟似昨日
聞見同一聲飛鳥數求食潛魚亦獨驚前王

作網罟設法害生成碧藻非不茂高帆終日

征干戈未揖讓崩迫開其情

趙曰易繫辭作結繩而為網罟

以畋以漁蓋取諸離夢弼曰蕭太傅辭奪禮表不勝崩迫之情

過津口

夢弼曰津口屬江陵

南岳自茲近湘流東逝深和風引桂楫春日

漲雲岑

自是景意可喜

回道過津口而多楓樹林白

魚困密網黃鳥喧嘉音物微限通塞惻隱仁

者心甕餘不盡酒膝有無聲琴聖賢兩寂寞

眇眇獨開襟

趙曰梁元帝鳥栖曲沙棠作船桂作楫夢弼曰陸士衡詩甕餘

殘酒膝有橫琴

次空靈岸

鄭曰當作空舫鄺元水經湘水縣有空舫峽

泐泐逆素浪落落展清眺幸有舟楫遲得盡

所歷妙空靈霞石峻楓栝隱奔峭青春猶無

私白日亦偏照可使營吾居終焉託長嘯毒

瘴未足憂兵戈滿邊徼嚮者留遺恨耻為達

人誦廻帆觀賞延佳處領其要

鄭曰栝古活切木名趙曰

謝靈運云徒旅若奔峭師
日奔謂奔流峭謂峭峯

宿花石戍

鮑曰按唐志潭州長沙有花石戍

午辭空靈岑夕得花石戍岸疏開闢水木雜
古今樹地蒸南風盛春熱西日暮四序本平
分氣候何回互茫茫天造開理亂豈恒數繫
舟盤藤輪杖策古樵路罷人不在村野圃泉
自注十字畫不能極舉目凄然柴扉雖蕪沒農器尚牢固
山東殘逆氣吳楚守王度誰能叩君門下令

減征賦

鄭曰罷音疲洙曰罷人言民困於征役而罷敝不在科謂其不安居也夢符曰左傳祈招之詩曰祈招之愔愔式昭德音思我王度式如玉式如金

早發

有求常百慮斯文亦吾病

閱世知道者之以言可以有省

茲朋故多窮老驅馳併早行篙師怠席挂風
不正昔人戒垂堂今則奚奔命濤翻黑蛟躍
日出黃霞映煩促瘴豈侵頽倚睡未醒僕夫
問盥櫛暮顏靦青鏡隨意簪葛巾仰慙林花

盛側聞夜來寇幸喜囊中淨艱危作遠客干
請傷直性薇蕨餓首陽粟馬資歷聘賤子欲
適從疑悞此二柄洙曰漢袁盎傳于金之子
不垂堂脩可曰左傳罷於
奔命洙曰一作睡還醜洙曰史記夷齊不食
周粟隱於首陽山采薇食之蘇秦張儀歷聘
六國諸侯皆以粟馬資之

次晚洲

參錯雲石稠坡陁風濤壯晚洲適知名秀色
固異狀棹經垂猿把身在度鳥上擺浪散帙

妨危沙折花當

當雖花根與玉卮無當同然對上文妨字則不等俞舜卿

謂予言危沙記險無他標羈艱暫愉悅羸老

反惆悵中原未解兵吾得終踈放

陳曰棹經垂猿把身

在度鳥上言春水張而船所經者高也師曰花當乃花根也

登白馬潭

水生春纜沒日出野船開宿鳥行猶去花叢

笑不來

鳥則宿矣吾行猶去笑亦吾笑作者自然別

人人傷白首

處處接金盃莫道新知要南征且未迴

歸鴈莫道南歸自廣州見花辭漲海避雪

聞道今春鴈南歸自廣州見花辭漲海避雪

到羅浮清麗是物關兵氣老何時免客愁年

年霜露隔不過五湖秋夢弼曰漲海海名謝承後漢書陳茂常渡

漲海交趾七郡皆從漲海入也羅浮山在嶺南惠州西

又聞野望未報其言野望未報其言

納納乾坤大行行郡國遙雲山兼五嶺風壤

帶三苗野樹侵江闊春蒲長雪消扁舟空老

去無補聖明朝公自注服虔曰嶺有五因以

夢弼曰裴遜之詩納納江海深洙曰古樂府

行行重行行黃曰裴氏廣州記云大庾始安

臨賀桂陽揭陽是五嶺希曰書

入喬口唐志潭州有喬口鎮兵

漠漠舊京遠遲遲歸路賒殘年傍水國落日

對春華樹蜜早蜂亂江泥輕燕斜賈生骨已

朽悽惻近長沙洙曰莊子其人銅官渚守風趙曰潭州長沙有銅

不交焚趙曰潭州長沙有銅

不夜楚帆落避風湘渚間水耕先浸草春火

更燒山早泊雲物晦逆行波浪慳飛來雙白

鶴過去杳難攀漢書江南之地火耕水耨注云燒草下水種稻草與

復並生水灌之草死獨稻長也

北風公自注新康江

春生南國瘴氣待北風蘇向晚霾殘日初宵

鼓大鑪爽攜卑濕地聲拔洞庭湖萬里魚龍

伏三更鳥獸呼使晚唐諸人作北風詩形滌容蹇縮定不爾有豪意

除貪破浪愁絕付摧枯執執沉沉在凌寒往

往須且知寬疾肺不敢恨危塗再宿煩舟子

衰容問僕夫今晨非盛怒便道即長驅隱几

看帆席雲山湧坐隅趙曰南史宗慤云願乘長風破萬里浪宋玉風

賦盛怒於土囊之口莊子南郭子綦隱几而坐

詠懷二首

人生貴是男丈夫重天機未達善一身得志

行所為嗟余竟軼軻將老逢艱危胡雛逼神

器逆節同所歸河洛化為血公侯草間啼西
 京復陷沒翠盖蒙塵飛萬姓悲赤子兩宮棄
 紫微倏忽向二紀姦雄多是非本朝再樹立
 未及貞觀時日給在軍儲上官督有司高賢
 迫形勢豈暇相扶持疲薶苟懷策棲屑無所
 施先王實罪已愁痛正為茲歲月不我與蹉
 跎病於斯夜看艷城氣回首蛟龍池齒髮已
 自料意深陳苦辭洙曰莊子榮啓期曰人之
 所貴者男也而予幸得之

一樂也胡雛指安史此追言天寶之亂兩京
 陷沒玄宗肅宗播遷于外夢弼曰本朝再樹
 立謂代宗時也貞觀太宗年號先王
 罪已謂肅宗即位嘗下詔痛自刻責

邦危壞法則聖遠益愁慕飄飄桂水遊悵望
 蒼梧暮潛魚不銜鈎走鹿無反顧皦皦幽曠
 心拳拳異平素衣食相拘閔朋知限流寓風
 濤上春沙十里浸江樹逆行少吉日時節空
 復度井竈任塵埃舟航煩數具牽纏加老病
 瑣細隘俗務萬古一死生胡為足名數多憂

汗桃源拙計泥銅柱未辭炎瘴毒擺落跋涉
懼虎狼窺中原焉得所歷住葛洪及許靖避
世常此路賢愚誠等差自受合馳驚羸瘠且
如何魄奪針灸屢擁滯僮僕慵稽留篙師怒
終當挂帆席天意難告訴南為祝融客勉強
親杖屨結託老人星羅浮展衰步鶴曰湘水自桂州灘
江而下故云桂水鄭曰閩五既切不通也泥乃計切夢弼曰晉葛洪字稚川聞交趾出丹砂求為勾漏令遂將子姪俱行後止於羅浮山蜀志許靖字文休避董卓之誅走至交趾

後以劉璋招入蜀事先生鄭曰衡山上有祝融峯洙曰言老人星以在南極羅浮山則在嶺南也

望嶽

大曆四年春晚自潭之衡復回潭州作

南嶽配朱鳥秩禮自百王歛吸領地靈頽洞
半炎方邦家用祀典在德非馨香巡狩何寂
寥有虞今則亡洎吾隘世網行邁越瀟湘渴
日絕壁出漾舟清光旁祝融五峯尊峯峯次
低昂紫蓋獨不朝爭長喋相望恭聞魏夫人

羣仙夾翱翔有時五峯氣散風如飛霜牽迫

限脩途未暇杖崇岡歸來覲命駕沐浴休玉

堂三歎問府主曷以贊我皇牲璧忍衰俗神

其思降祥趙曰南方七宿井鬼柳星張翼軫

注如其秩次望祭之五岳牲禮視三公夢弼

曰淮南子頽濛鴻洞莫知其門洙曰有虞今

則亡謂巡狩之禮云矣趙曰渴日望日影出

於高峯也義如渴雨之渴五峯祝融紫蓋天

柱石廩芙蓉也夢弼曰岳之諸峯皆朝於祝

融獨紫蓋一峯勢轉東去鄭曰喋音業山高

貌田曰夫人晉魏舒之女也幼讀書好神仙

嘗有四仙人降之盡傳其秘術壽終日以杖

代尸而升天封南嶽夫人治南嶽

萬里清明二首

朝來新火起新煙湖色春光淨客船繡羽衝

花他自得紅顏騎竹我無緣胡童結束還難

有楚女腰肢亦可憐不見定王城舊處長懷

賈傳井依然虛霑焦舉為寒食實藉君平賣

卜錢鍾鼎山林各天性濁醪麕飯任吾年洙

騎竹謂騎竹馬也漢景帝子發封長沙王謚曰定賈誼為長沙王太傅今其廟有井存焉

朱曰焦本作周後漢周舉為并州刺史太原郡舊俗以介子推焚骸至其亡月咸言神靈不樂舉火由是士民每冬中輒一月寒食莫敢煙爨老少不堪歲多死者舉既到州乃作弔書以置子推之廟言盛冬去火殘損民命非賢者之意以宣示愚民使還溫食於是衆惑稍解風俗頓革趙曰鍾鼎謂鳴鍾而食列鼎而烹也

此身飄泊苦西東右臂偏枯半耳聾寂寂繫

舟雙下淚悠悠伏枕左書空十年蹴踘將雛

遠萬里鞦韆習俗同蹴踘秋千皆清明景物分著二句而將雛遠更

謂軍興也旅鴈上雲歸紫塞家人鑽火用青

楓秦城樓閣煙花裏漢主山河錦繡中語有

意風水春來洞庭闊白蘋愁殺白頭翁劉向

別錄蹴踘黃帝所造本兵勢也古今藝術圖

秋于北方山戎之戲以習輕趨師曰十年蹴

踘言軍興也將雛遠謂挈子遠遊也趙

曰後四句公懷長安而嘆其在湘潭也

客從南溟來遺我泉客珠珠中有隱字欲辨

不成書緘之篋笥久以俟公家須開視化為

血哀今徵歛無趙曰任昉述異記南海鮫人室水居如魚不廢機織其眼

客從

客從

泣則出珠鮫人即泉仙也又名泉客鶴曰按史大曆四年三月遣御史稅商錢詩或為是而作也

發潭州

鶴曰公潭之衡

夜醉長沙酒曉行湘水春岸花飛送客檣燕

語留人賈傅才術有褚公書絕倫名高前後

事回首一傷神

洙曰賈傅注見前唐書褚遂良工隸楷太宗令侍書高宗

時為右僕射因諫帝不當廢王皇后立武昭儀為后左遷潭州都督

雙楓浦

夢弼曰按圖經瀏陽縣

輟棹青楓浦雙楓舊已摧自驚衰謝力不道

棟梁材浪足浮紗帽皮須截錦苔江邊地有

主暫借上天迴

欲尋無主之地傷世狹也趙曰此詩用乘槎意

酬郭十五判官

受郭判官自潭寄以詩

才微歲老尚虛名卧病江湖春復生藥裹關

心詩總廢花枝照眼句還成只同燕石能星

隕自得隋珠覺夜明喬口橘洲風浪促繫帆

何惜片時程

洙曰荀子曰宋之愚人得燕石於梧臺之側左傳隕石于宋土

隕星也又星隕如雨淮南子隋侯之珠注明月珠也又搜神記隋珠徑寸夜有光明夢弼曰橋洲在長沙郡之喬口

杜貞外兄垂示詩因作此寄上

郭受

新詩海內流傳遍舊德朝中屬望勞郡邑地卑饒霧雨江湖天闊足風濤松醪酒熟旁看醉蓮葉舟輕自學操春興不知凡幾首衡陽紙價頓能高洙曰賈誼傳長沙卑濕莊子顏回問仲尼

曰吾嘗濟乎觴深之淵見津人操舟若神吾問仲尼曰操可學乎曰可善游者數習而後能鄭曰世說庾闡作揚都賦成人競傳寫都下為之紙貴

衡州送李大夫人七丈勉赴廣州

斧鉞下青冥樓船過洞庭北風隨爽氣南斗

避文星仇壯日月籠中鳥乾坤水上萍王孫

丈人行垂老見飄零洙曰禮記諸侯賜斧鉞然後殺夢弼曰李勉鄭

惠王之曾孫也

迴棹鶴曰公至衡州畏熱復回將歸襄陽不果竟留於潭

宿昔試安命。日私猶畏天。勞生繫一物。為客費多年。衡岳江湖大。蒸池疫癘偏。散才嬰薄俗。有跡負前賢。巾拂那關眼。餅罌易滿船。火雲滋垢膩。凍雨衰沉綿。強飯萼添滑。端居茗續煎。清思漢水上。涼憶峴山巔。順浪翻堪倚。迴帆又省牽。吾家碑不昧。王氏井依然。几杖將衰齒。茅茨寄短椽。灌園曾取適。遊意可終焉。遂性同漁父。成名異魯連。篙師煩爾送。朱

夏及寒泉

趙曰衡州志。附臨蒸水。其氣如蒸。水流至湘。故曰蒸湘。鶴曰爾雅。凍

雨夏月暴雨也。凍音東。鄭曰衰音邑。夢弼曰沈休文。蕭恒碑。因遇沉痾綿留氣序。希曰湖南土風。唯尚煎茶。客至繼以六七。故知名。續煎之句。蓋紀實也。趙曰漢水峴山在襄陽公懷故鄉。魯曰自岳之潭之衡為上水。而自衡回潭為順水。前後詩可考也。洙曰晉杜預平吳後。刻二碑。紀其勳績。一沉萬山之下一立峴山之上一襄河。記王築宅在萬山之東。宅有井。史記魯仲連齊人。責新垣衍。帝秦秦軍為之却。六十里平原君欲封之。辭不受。田單攻聊城。不下。魯連為書以遺燕將。將見書自殺。田單遂屠聊城。歸而言魯連欲爵之。魯連逃隱海上。曰吾與富貴而訕於人。寧貧賤而輕世肆志焉。

湘江宴餞裴二端公赴道州

白日照舟師朱旗散廣川羣公餞南伯肅肅
秩初筵鄙人奉末眷佩服自早年義均骨肉
地懷抱罄所宣盛名富事業無取愧高賢不
以喪亂嬰保愛金石堅計拙百寮下氣蘇君
子前會合苦不义哀樂本相纏交遊颯向盡
宿昔浩茫然促觴激百慮掩抑淚潺湲熱雲
集曛黑闕月未生天白團為我破華燭蟠長

煙鵠鵠催明星解袂從此旋上請減兵甲下
請安井田永念病渴老附書遠山巔師曰道

也州長曰伯夢彌曰白團謂扇也
鄭曰鵠古活切鵠何葛切鳥名

奉送王信州峯北歸趙曰唐志夔州

祖獨孤信改為夔鶴曰按唐志穎州
舊亦為信州詳詩中海甸及穎川之

句當是
穎州也

朝廷防盜賊供給愍誅求下詔選郎署傳聲
典信州蒼生今日困天子嚮時憂井屋有煙

子美常有
中病故云

起瘡痍無血流壤歌唯海甸畫角自山樓白
髮寐常早荒榛農復秋解龜踰卧轍遣騎覓
扁舟徐榻不知倦穎川何以疇塵生彤管筆
寒臆黑貂裘高義終焉在斯文去矣休別離
同雨散行止各雲浮林熱鳥開口江渾魚掉
頭尉佗雖北拜太史尚南留軍旅應都息寰
區要盡收九重思諫諍八極念懷柔徙倚瞻
王室從容仰廟謀故人持雅論絕塞豁窮愁

復見陶唐理甘為汗漫遊

趙曰世紀堯時老

甸則時淮海無虞也洙曰謝靈運詩解龜在
景平漢侯霸為臨淮太守被徵百姓攀轅臥
轍不許去晉書劉真長遣傳教覓張孝廉船
漢陳蕃為豫章太守特設一榻以待徐孺子
去則縣之趙曰言王崑之待我如陳蕃之見
孺子我將何以疇之乎穎川陳氏郡名謂陳
蕃也以比王信州洙曰詩彤管有煒戰國策
蘇秦黑貂裘弊師曰塵生彤管筆公自嘆嘗
為左拾遺也洙曰曹子建詩風流雲散漢書
如雨又劉孝標廣絕交論煙霏雨散漢書高
祖以尉佗平南越使陸賈賜佗印為南越王
賈說佗郊迎北面稱臣尉紆物切太史公自
序留滯周南夢弼曰太史乃公自比也趙曰
故人指王信州也洙曰堯稱陶唐氏淮南子

盧敖見若士謂曰吾與
汗漫期於九垓之外

哭韋大夫之晉

鶴曰按集中大曆二年秋有送韋中丞之

晉赴湖南詩當是韋鎮湖南死於鎮所

悽愴郇瑕邑。差池弱冠年。士人叨禮數。文律

早周旋。臺閣黃圖裏。簪裾紫蓋邊。尊榮真不

忝。端雅獨脩然。貢喜音容間。馮招疾病纏。南

過駭蒼卒。北思悄聯綿。鵬鳥長沙諱。犀牛蜀

郡憐。素車猶慟哭。寶劍欲高懸。漢道中興盛。

韋經亞相傳。冲融標世業。磊落映時賢。城府

深。朱夏江湖眇。霽天綺樓閣。樹頂飛旄。泛堂

前。鬪幕疑風燕。笳簫急暮蟬。興殘虛白室。跡

斷孝廉船。童孺交遊盡。喧卑俗事牽。老來多

涕淚。情在強詩篇。誰繼方隅理。朝難將帥權。

春秋褒貶例。名器重雙全。

洙曰郇瑕晉地今河中府猗氏縣也

左傳晉人謀去故絳諸大夫曰必居郇瑕氏之地希曰士人一作文人一作大人洙曰漢

書王陽在位貢禹彈冠劉孝漂廣絕交論王陽登則貢公喜左太冲詩馮公豈不偉白首

不見招鄭曰馮馮唐也誼漢書賈誼為長
沙王太傅有鵬飛入誼舍誼自傷以為壽不
能長華陽國志秦孝文王以李冰為蜀守冰
立石犀五頭以厭水精師曰蜀郡憐言蜀人
思韋之德也洙曰吳季札解寶劍繫徐君塚
樹詳見前注漢韋賢少子玄成復以明經歷
位至丞相師曰綺樓關樹頂言奠樓之高也
關一作高鄭曰縈音繹小幕也
虛室生白橫賦棄虛白之室歸長夜之堂孝
廉船注見前夢弼曰左傳惟名與器不可以
人假

江閣臥病走筆寄呈崔盧兩侍御

江閣近潭州

客子庖厨薄江樓枕席清衰年病祗瘦長夏
想為情滑憶彫胡飯香聞錦帶羹溜匙兼暖
腹誰欲致盃鬯洙曰彫胡注見前
春末開花紅白如錦彥輔曰錦帶其苗嫩脆可食
帶吐綬雞也其肉脆美堪作臠

潭州送韋真外迢牧韶州

炎海韶州牧風流漢署郎分符先令望同舍
有輝光白首多年疾秋天昨夜涼洞庭無過
鴈書疏莫相忘洙曰漢紀與郡守為符注各

同舍郎見直不疑傳趙
曰公嘗為郎故用同舍

潭州留別杜真外院長 韋迢

江畔長沙驛相逢纜客船大名詩獨步小

郡海西偏地濕愁飛鵬天炎畏跼鳶去留

俱失意把臂共潸然洙曰飛鵬跼鳶見前

酬韋韶州見寄

養拙江湖外朝廷記憶疎深慙長者轍重得
故人書白髮絲難理新詩錦不如雖無南過

鴈看取北來魚

洙曰陳平傳門外多長者車轍希曰衡陽有回鴈峯相傳

鴈自此而止洙曰古詩呼童烹鯉魚中有尺素書夢弼曰韋詩相憶無南鴈故公以北來魚戲之蓋謂鴈不過衡陽而瀟湘北流也

早發湘潭寄杜真外院長 韋迢

北風昨夜雨江上早來涼楚岫千峰翠湘

潭一葉黃故人湖外客白首尚為郎相憶

無南鴈何時有報章趙曰白首為即用馮唐顏駟意鶴曰湘潭

縣屬潭州韋自湘漳寄詩而公在潭也

樓上

天地空搔首頻抽白玉簪
皇興三極北身事五湖南
戀闕勞肝肺論材愧杞梓
亂離難自救終是老湘潭

集千家註杜工部詩集卷之十九

